

忠

肅

集

忠

忠肅集卷十五

宋

劉

摯

撰

五言古詩

讀書

西風入梧桐白露下雲漢灑灑晚秋色清涼復神觀歲
月不我與料理前日慢念此平生心所樂在黃卷太羹
與玄酒梨棗及俎簋滋味要足口更復恨未見燈火夜
可親巾箱字甚憚紛紛事是非碌碌世治亂千古守糟
粕未免斲輪歎聖賢有室奧大道堪夷坦是爲名教樂

足以了衰晏惜日營珠金投身營歌管彼志各自言難
以一理貫

老子畫象

敝周僊于文老子談大道仁義已末流體法固行潦虛
無地玄珠清淨爲至寶培斗息羣競死聖止大盜謂可
愚斯民狂瀾復既倒不知世大變萬僞火就燥欲以區
區言反俗入義吳渾淪五千言道德何浩浩漢嘗不其
說施用未深造衣食已有滋煩苛已能埽惜哉衰世十
學術失探討澆而爲刑名慘礪極枯槁但見多申韓舉

皆罪黃老聖人無常師有善取輿阜問禮固有然誰謂
孔徒小遺貌知是非君無論醜好

雜詩六首

四序若轉轂萬物變秋風蕭騷簷邊月赫赤江上楓寒
鴟坐晴屋陰蟲淒暮叢靈鳳杳何許寂寂朝陽桐
咬咬籠中鳥食飽勤好音雖懷王人意豈不思長林出
處謬前算老大故豁心秋衾耿寒夢玉露曉如淋
古人有高致妙與天地通讀騷飲美酒揮絃送飛鴻杖
藜步梧竹閉戶閑僕僮禍福有倚伏念當守蒿蓬

我思彭江州行已有風績與善忘吟哇麾邪立崖壁堂
堂生民望奄奄斯道寂何時持鷄酒就子墳上瀝

播州遷劉郎夜郎放太白秀木風所仇人情有欣戚嚴
寔無終朝斯文豈遂厄我願蘇與黃壽命等金石

至人何神遊坐凌八荒邈一息如鵬圖萬里御羊角蒿
萊彼頻頻晨多自喔喔仙人喬與松誰云不可學

西齋觀雨

末庚謝餘炎大火躔西極開軒對朝雨拭目看秋色雲
空相晦明風縷乍斜直聲繁自飄蕭勢急忽淙激方塘

潛浪潮萬瓦亂珠射巢燕倦翩翩庭燕長紛籍閒花洗
幽素秀木舞涼碧清氣醒筋骸餘爽入几席跡希蔣詡
徑興高陶令宅繞郭聽懽聲登秋飽豐澤良辰感孤宦
念我久行客窮年不自樂心跡兩何益功名羞詭奇歲
月易類斥聖人堂有奧大道坦可適胡為世俗間區區
較尋尺

縣齋秋日雨後寄李聖和

置閏歲八月祝融冒秋權當代不肯歸滯暑歆以延金
行奮剛義天令懲驕愆一雨惡氛死百物疲瘵痊陰陽

戰旣定灑氣蘇天淵犂斂物得性豐給民有年小軒占
 幽寂危坐涼翛然身如赦炮烙蓬山弄飛泉冷風嘯梧
 竹清響搖碧鮮淨几少喧蠅高簷除嘒蟬煩心爽已蛻
 塵觀清疑仙于茲飭前懈圖書獵陳編晤言隔朋類披
 卷盟聖賢樂此懷高風北望心悄悄

縣北馬上

五月暑雨過緩轡來城陰朝暉榮林莽涼風弄衣襟敢
 辭鞭策勞邂逅得幽尋斯人勤歲事樂此膏澤深芄芄
 黍稷壘藹藹桑柘林田翁可指食蠶婦期織絰穉儲與

衣褐卒歲無崎嶇陶民帝有力養物天之心忘言樂其
 樂此意良自謙紆爲馬上句比和擊壤吟

答黃莘任道代書見寄

吾生本放浪自比林壑人謬此繼官組試邑漳水濱疆
 田占瀉鹵戶俗籍羸貧驛涂搔左臂河流齧西濬役者
 動淪產居者無儲糶科求困府調期會嚴吏文儒生仕
 學古志在膏斯民慨歎適于此蹉跎徒自勤亦嘗紆厚

斂粗使窮褐温

原注南宮夏悅折色視他郡最重前歲特爲申請乞隨市直估折不用諸色得

旨蠲三勞心米

鹽屑秉筆朱墨紛尚賴厥俗古椎然猶

朴淳因時罕訟訴得以親舊聞瞻言君子治百里相依
 瀕廚傳候使介南北交歡忻議和六十年中國勞耨耘
 脂膏瘠黔首歲月肥醜獯燕山本華土石晉真自焚祖
 宗赫大業此願嘗經綸遺憤鬱未泄壯士常云云天運
 無盛衰吾民繫康屯遠御在廟廟勿憚躬觴殮小官惠
 不恥委吏孔所伸

原注君為清河令當信使驛路時有供饋送迎勞困之嘆故云

我亦

走除道折腰邊馬塵緣茲有境會每得言笑親代去各

匪遠木落秋風辰知倦黎侯寓來卜子騫鄰

原注君始寓衛州今

見詢欲謀居汶上

東平我客从蕃阜誠罕倫齊魯儒學地遺風

今尚存禮讓行比屋茲誦傳里門玉京輦路近非煙望

氤氳梁岑聳秀概回源號通津炊玉北陂稻繪霜南浦

鱗名園富夏果冬山下寒薪滋味閩越足物色吳楚賓

人物盛著錄衣冠若雲屯交朋三數子英英鸞鶴羣文

章與言行玉潔芝蘭薰方舟洞庭雨載酒樂郊春羨君

此謀吉不必龜筮詢我馬固已秣君車亦宜巾瑤音枉

嘉問凌紙天葩芬聊茲締里社愧匪金玉珍

中秋招趙湜

浩然天地秋涼風日蕭索憲也固非病回焉不改樂公

秣已堪釀冰輪有近約以此邀子車主禮豈云薄

送趙湜遊邊

風霜日夜肅關寒塞草白之子倦蓬蒿結束遠行役尺
劍有壯懷短褐無寒色禮臺多黃金義橐富白壁河山
數千里趙魏繚遺跡大事今在邊為我盡覽歷威懷用
表餌是非入奇策豈如滎陽秀出以屢空迫

白鷺亭

危亭跨城巔因洲名白鷺開軒二水上寓目萬景赴風
濤參魚龍煙雲變汀渚孤禽點鋪山片席下吳浦閒人

得閒愁憇欄歎今古脈脈臨長江寒潮自來去

過彭澤

孤舟倚彭澤高節懷淵明餅粟曾幾許忽歸無留情士
生于內外貴識所重輕山高暮寒聳江闊春風平弦歌
絕遺響秣田今誰耕我方事奔走嗚呼愧先生

庾信宅

南都號多士庾信乃辭客承家富縑緗摛文爛組織應
教來春坊日坐學士席翩翩宮體謠江左變風格巨盜
掀臺城狂飈鍛孤翮南飛江陵宮杖策赴王繹經綸投

中興感憤補天隙大廈豈一士終此陽九厄陸機趨洛陽夷吾入齊國濯足聊委蛇懷邦已悲惻惜哉不遭時
澳忍無偉蹟王室與身世淪離兩何益暮齒哀江南聊將賦心跡楚郡故城陰或云此遺宅寥寥舊山川莽莽
新黍稷是非不可求秋風暮烟白

馬融絳帳臺

東京尚經術人皆挾師才惜乎章句間門戶各異開馬融號耆舊太守南郡來橫經坐絳帳自處何崔嵬帳前列徒弟帳後歌絃陪書生貧賤志遽以聲色回于今數

百年歸然但高臺舊址半傾圯欄檻生莓苔溪光貯襟袂南風動樽輿高簷日向暮燕雀亦徘徊

題公安知縣柳應辰屯田默庵

語默本無常此道知者寡君子默諸心志氣納陶冶至神所安潛可使萬物化精微與道契密不見纖縠世俗默在口鈐若偶人者至其中所驚逐逐散萬馬我來觀默庵虛白非外假天地冥毫芒今古一晝夜物至紛無窮酬酢甚閑暇清淨老聃燭寂寞揚氏駕養此將有行性命妙天下相對坐終日心愜如噉炙賦詩尚何言聊

忠肅集
卷五
吳年惟校
爲默庵謝

寄題柳郎中留客滿

主人真愛客留客徹歸路清溪環醉堂客起驚四顧人
生異智愚所急隨所慕僕僕聲利徒晝夜無息慮雖有
此不樂身留意已驚惟同主人心乃知此中趣主人韻
瀟洒恬不役世故對物心有忘簡言理自悟清風元紫
芝令德黃叔度卽之久益親不知變朝暮况復樽有酒
琴奕左右布魚鳥馴不驚孰與醉妖嬈主人意于客可
謂甚無負速應架溪流坦坦堂下步客至不須留聽客

自來去

次韻王潛江見索近詩

與子一睽索俄經百朝昏塵勞觸新累病懶荒舊聞強
之旋放失殆若溝澮源新吟妙思致天葩發靈根澹然
體大雅理愜如忘言鼓旗締友社壯志壓僅存譬以趙
魏弱仰關支秦軍君無疑傲橐蕝苴非珠琨

送鄒澤民還澧陽

人生寡會合世路多穿機吾得二三友老鈍諧所依澤
民氣閎侈詞筆如戈揮狂鷲但思擊生馬不可鞿彥修

韻寒苦獨以經史肥振眼鄙俗調攘臂談聖微直夫名
流子學性無愆違冰玉瑩表裏芝蘭自芳菲嗟吾實款
段騏驥安可希清樽寫江海日獲從西圻吟鋒互矜軋
醉笑相嘲譏方懷青蒿愧忽見黃鵠飛明哲慎所蹈勿
與矰幾秋風病池榭苦雨沾裳衣行矣歲華晏重感
人事非玉音儻無數時有北鴻歸

次韻晉陵吳秀才傳見貺

予本疎野人出處心已果孔患四未能嵇瀟二不可長
年足憂勞中懷幸安妥風瘍卧疲軀手足困攀跋思君

淳乎淳處俗我爲我玉軫黃金徽手開禹古鎖天地自
然聾聽者不敢惰君有元氣舟微風以爲柂我亦薄外
機庶不撓世禍儻伴荊州行春江醉輕舸

荊門軍惠泉呈李使君舜卿

蒼山抱西城蒙泉發山麓一泓養虛淨大石坼巖澳源
脈漭漭來星珠沸相續何人瀦方池不使聲瀑瀑四圍
疊琳琅百丈蔭雲木波底金蓮花萬葉綠綺縠畏清無
魚蝦固亦遠鷓鴣俯視洞五臟安敢濯兩足循池隅西
南漸見泄泉滴怒聲始可聽勢如脫桎梏涎沫卷飛練

深鳴射碎玉曲折谿路長幽響遠連屬安得朱絲絃爲
寫滄浪曲派澤山下田歲常稔麩穀憧憧負餅盞清入
郡人腹患名由此歟圖牒曾不錄崔碣鑿文章無數不
暇讀亦欲有佳句恐爲患泉辱使君心自清館宮泉上
宿一勺蛻塵肝豈比樽酒涿磅礴壯士氣常爲山水伏
天下幾林泉無金買卜築空茲嚼屠門野人真礧礧

煎茶

飯後開都籃旋烹今歲茶雙龍碾圓餅一槍磨新芽石
鼎沸蟹眼玉甌浮乳花詩思一坐爽睡魔千甲退茂陵
病解渴頓覺肺氣嘉玉川風腋興直欲凌風霞論功著
爲經宜得鴻漸誇膏梁麩麩士此物無與賒

石生煎茶

石生蘭溪來手提溪泉鉞謂言長官政如此泉水清歡
然展北焙小鼎親煎烹一杯酌官壽雲腴浮乳英慙非
百壺餞真意不自輕澗沼蘋藻細王公享其誠冠蓋豈
不至紛紛空涕橫珍重石子者端有古人情

游白雲山

西山矜霽色林嶺遡晨光萬象露榮秀熙然數盛陽扶

筇喜暄暖更得春日長迴阡互虧蔽叢薄紛青黃溪橋
覺飛動漲水起連航杳杳巖壑步脩脩松桂香道人誦
所聞坐使身世忘誰我共出處閒雲澹徊翔風鈴有妙
想天樂浮圖傍非徒愛石壁行將營草堂彼哉楚人子
記恨擷幽芳

馬當山

馬當天下險崔嵬大江邊翠碧倚千丈峭立萬仞洲其
背領羣岫其麓匯飛漩鬱葱巖間桂窮冬華葉鮮豈無
神仙人縹緲居其巔猿狖肆健捷攀躋到雲烟揚帆過

其下瞥若飛鳥然仰觀動精魄但見斬青天吾生媿仁
智而于山水便終日叩舷坐無暇窺塵編有嗜固爲累
觸險不自憐

湖溪道中

夜雨聲緜緜朝雨勢未歇行役良間關炎歊暫祛過蘋
藻香幽幽陂池水活活咫尺迷見聞淋漓徹衣褐坎泥
甚膠凝陸路無尺闊飢僮與羸驂十步九顛蹙敲鞍髀
欲傳風蓋手屢脫驚日不暇瞬危魂亦已怛處險貴能
安欲速或未達聖禹嘗輶行文公尚胡跋彼勤事業大

吾勞簿書未香城到長堤軒眉解蹙頰大道吾所歸寧
爲險途奪

久雨次略韻

江國多陰霖雲氣所儲積貫月仍爛旬窮朝復竟夕太
陽暗經天莫見黃道迹風霏淋淋帷簷溜穴砌石春澤
農之瑞泰甚豈其益人言雨有數四時合均適前多後
將少物理固明白我居苦湫陋安得爽塏易棟梁生菌
苔書藥漬汗液塞漏除泥塗紛紛謀奴獲凌虛逃重隄
頗思兩鳧舄坐觀久溟濛風伯豈無責慰彼望歲人私

我窮居客茲事但置之一觴聊自釋

富池口

順風雖宜帆顛暴亦難用浪擁江逆流雲狂日昏霧天
公容飛廉橐籥大開弄蛟鯨快乘時驤首出洪洞舟楫
多深藏灣浦投缺空我行斯可時要當審靜動況復舟
弊鈍羸師困僵凍時止聖所臧欲速禍或中坐期天清
明連檣欣所縱且傾滌酒樽慰此清夜夢

泛舟

湖光漾碧霄飄然一方舟綠舫屢環復檀槩雙夷猶雨

色芰荷晚風香蘋藻秋鳧鷗解相信隨橈過前洲落落
二三子載酒相與遊清言愜素尚大笑忘幽憂洞庭醉
淵明剡溪浮子猷人生似飄瓦所願非所求濯纓漁父
達佩蘭騷人愁不須吳姬婉蓮問聽淫謳鄙哉滌功業
方爲五湖遊吾曹詩酒中此樂爲最優

憶山

昔者氣少銳狂走登泰山東峰候海日危磴躋天關上
攷秦漢事遺文大碑頽南浮九江會廬阜幾往還雙林
到如家瀑布聲潺潺扁舟上湘水南衡若屏環魏閣坐

杳靄祝融費躋攀幽尋恣所適曾不虞辛艱其餘林壑
趣可數皆班班逮今歲十改志氣日以孱前時兩河吏
風埃走青綸荊州乃澤國自昔登臨慳佳山到郢盡平
地千里閉塵耳憶猿嘯屐齒生苔斑安得蒼翠姿下落
樽酒間平生林丘志未去心如瘰去就不勇決將見移
文訕

送吳雍平涼令

洞庭葉微脫衡陽鴈未歸秋雲招客思偏向隴頭飛風
霜過商郢飄泊游子衣行邁豈不遠在彼渭水沂早寒

關草白九月邊馬肥西州氣俗厚長官民政稀
洪河繚勢勝大山四蟠圍登臨賦今古壯志相發揮
宦遊子誠樂孤陋予何依念此性疎朴動輒觸世機
相逢幸燭理義愜不謂非扶持失其直曲逢嗟願違
朋友日已削道義誰與幾離騷默自慰但寄黃金徽

寄潁州顧子敦

念君去南州歲月忽如埽豈無肺腑言難爲
音書道客來自汝陰盡說太守好黃堂日無事
仁政浹稚老承顏奉親歡甘旨富魚稻時時過
西湖樽酒媚花鳥兒童爭

拍手共笑玉山倒都城亦何爲風塵驚昏曉
投身非所謀養氣安能浩思君便便腹中有無
價寶昔者定交分我已愧枯槁豈知鴻鵠飛
翩然異鷄鶩人生出處間得失不在早君看
松與桂俱有歲寒操何時臨清觴爲予傾懷抱

送僧常陰

吾師來曲江落落偉丈夫靈標峙松雪清韻輝
冰壺談高文字間欲趨仁義途飄然跡無累青天
白雲孤振衣下懷楚遂欲游京都京都貴人多駢
門耀金朱仁義卜

知己誰不顧子廬況子兼外學妙達性命樞言隨禍福
應名利惟所呼一出玩世故應憶舊山隅

庖婢病跛自臨鼎俎有詩

塘頭買鮮鱗戢戢楊柳貫不憂一日飢遂可支兩膳北
方貴鱠魚豈異此中鱸但求杯盃充焉問名實眩芼之
薑芥蔬雜以紫蓴綫雖非梁肉豪鄉思已過半甘芳漬
蒙茸軟白分片段佐我新炊秬珠琲光粲粲春羹遠無
慙枯齋不足羨吾于叨餐衰安此軟煖燕昔人意不佳
多緣噉脯麪聖賢親鼎俎毋庸厭烹饌

夜發白碑

晝行苦炎蒸秣馬戒夜發清夢失歸路微風弄織葛星
疎天無雲獨有亭午月太空生白煙浩蕩萬里闊細碎
草木香淋漓露氣滑戚戚寒蟲聲逐馬不暫歇我行何
區區無乃害慵拙傳聞猛虎多宵路時出沒四顧林莽
中精靈動毛髮求全得憂虞禍每乘所忽君子審重輕
無勞避途暘

冬日遊蔡氏園次孫元忠韻

偶來梁宋遊得子共閒冷杖藜古城陰邂逅塵外境况

思闐闐中喧卑真坎井晴霜蔽陰崖朝暉潤陽嶺田翁
醉年豐曉夕不知醒園逕迎幽尋林屋到深靜凍禽時
自驚古木坐移影憶雪指寒萋占春驗枯梗求田計良
難旅食飽已幸暫得酒中趣詎須求酪酏短景忽催歸
何時後期請

次韻吳戶曹師道秋雨

西風日已蕭涼雨霏層陰豐澤飽歲事徂節驚壯心寒
蟲攪夜思滄浪夢秋衾欲謝茂陵病誰憐莊舄吟

題句龍緯職方海棠軒

使君西州客慣見海棠紅影纓出故里揚馬來漢宮醉
賞坐乖隔年年夢春風荊州蜀門戶地脈風氣通此花
何從來根本移化工使君有新第幽寓如山中小軒面
城麓交柯植雙叢年光錦宮遠顏色故園同想當春苞
麗無日樽酒空繁豔燒醉眼顧眄增冶容地勝不在大
意適物易充雙輪粲兩朱行將指炎封

寄題定州楊君園亭

隱不在山壑名園抱南城梧竹有遠韻泉石非世聲林
花品異數野鳥馴不驚主人堂其間對境心已清舉遺

笑錄錄放言獨冥冥新詩寫閒逸其聲自和平吾嘗攷
風俗燕趙義而誠自古志慷慨其人尚功名苟非勝絕
地烏可奪其行士于內與外罕能權重輕主人不待識
定無世俗情

御史臺柏下有叢竹久荒雜殿中劉中叟洗之監
察孫君孚有詩知雜事劉某次韻

老柏寒昂藏叢篠下紛列未須論晦明均敢犯霜雪塵
埃深蔽埋蕪蔓困籠結槁悴屈子容飢癯伯夷節殿中
秉高義利刃勇分別病穀除蒿稂蝕月救吞齧還君歲

寒姿清風自交徹念昔繞荒欄三嘆生慕悅重來十五
年笑我壯心折幽懷耿相對欲語不得說

觀音院餞送章子平出守鄭州際得近字

大梁三尺雪冰泥變塵空千騶國西門儼若鐘在箕使
君御之行往殿股肱郡玉符佩祥麟車廡舞飛隼去國
雖所懷而在百里近朝方背象魏暮已跨封畛滎陽介
兩京左右事控引咽喉半天下客車日交軫閉關非人
情飾傳古所哂使君錦幟仙才業苦清敏故應毀譽忘
要使仁義盡昔賢此爲政遺愛浹微隱國人賦緇衣千

載聲亦泯二者在君與無嗟設施窘

送文與可同出守湖州

東蜀老儒者吳興新使君前更四州守風政超古人歸
來天祿閣袖手隨衆羣一毫不染指世味從甘辛謂柔
未易招謂剛可以親渾然鎮冒器承以纜率文詞章謝
剗刷天葩出靈根冥冥古咸池衆聽所臥聞外物了無
累獨愛霜中筠應憐歲寒節落筆收天真七賢與六逸
林下仍溪濱對之浪狂醉顧豈知此君比年不多寫造
化慳至珍而我得二紙毫素餘清芬留當雪霜展可慰

思慕動煌煌鍾鼎具未許刊名勲聊復詠黃鵠南國垂
朱輪拔足出埃壘投身當水雲人與境相得長鯨臥天
津冰壺地千里雲屏山四鄰醉月若下酒萼羹沼渚尊
仕宦子雖適孤陋予何伸曲蓬誰與直坐遠蘭薰熏臨
風寫高興願寄江南春

天蘇酒成次路韻

粵嶺酒萬戶醞者無刑章以茲于釀事家家致其詳鞿
入亦隨喜聊自慰空觴頗收諸家法曹高及張王不復
使鄰舍更笑瓊下狂軟熟秋穉潔芬烈吳秣香壠頭沸

珠蠟斝面澄玉漿人情喜自譽謂可官法當方時見初
菊熠燿浮冷黃頽然此中趣不覺鄉路長格高氣淳聖
何至腸腐傷區區美芹意欲以酌后皇餘醺到郡郭恨
無嘉賓將增釀更加數從今百憂忘

食鱸

知幾張季鷹歸懷託江鱸鱸魚今不數未若魴鯽最根
壘檣椒蘭蘆蕪碎珠貝盈盤玉葉鋪千縷紅雲碎佐以
晚松羹玉飯香藹藹飽行慙素餐捫腹放衣帶昨來溪
夏乾市空無可奈徒有彈鋏吟何能飽幼艾安得東海

鯨不憚生物害揮刀滿金盤對列酒池外

植菊

春花悅時人賞玩紛僕僕南園一夜風地上紅盈掬我
似鹿皮翁祇愛晚秋菊團團綠玉叢移趁煙雨斲願言
早芬敷重陽日已促煌煌想金葩況此風露足豈止插
滿頭服之明兩目滋養漑清泉圍護編翠竹多開萬鈴
奇勿變桃花俗酒熟落帽天不作牛山曲

菱角

洪池富水物擘波收紫菱春華雜青黃夏蔓相牽仍迨

彼風露足芒角秋實登剛銛事利觜扶挾如有朋雙鋒
尚可噉四出尤足憎昌歆固有嗜蒺藜非所憑外觀乏
婉軟中質韜玉冰取物取諸內惟彼識者能

朱李

珍果繁西園登盤得朱李白雪凋春花縹丸結夏子肉
理漿包寒膚衣粉凝紫細碎輕菱芡甘軟異瓜柿不須
論投報聊復冰寒水伯陽指仙宗房陵詫遺美鑽核乃
獨善王氏亦已鄙味苦吾所幸道旁豈云恥君看齊物
人無用乃天理

行藥

行年將七十衰病乃其時引茲地氣沴州在大澤陂一
昨度炎暑林莽居舍卑山色不到眼地無清泉滋晴暘
則鑪冶陰濁則蒸炊氣腕疲嘔洩軀骸醉支離節氣近
寒露生意稍可支故人在秦晉知我窮至斯奩封衆藥
品皆自州土宜形味紫團寶苗榦西岳奇靈如雪山草
秀比商嶺芝是身本無有疾病何用治自愛聊爾爾道
人毋我蚩丸膏或咬咀何復求良醫策杖行東圃運動
疎通之收復我冲粹驅散彼邪疵養生固有道一漑非

難為千年鮑昭後復有城東詩

焚香

清泉鑿石餅南海寶洲香下簾隱几坐煙霏散央央春
雲乍凝聚玉穗忽織長瑞鴨戲歎吐雙臥不肯翔佛國
寶芬鬱仙團花氣芳真靈格杳冥邪厲毆幽荒安得道
遙人肯顧來此堂說我無上道德音斯不忘

虎枕

耒陽得奇枕狀比猛獸姿呀吻目睛轉中有機紐施持
鬚世所戒羊質還可嗤莫作邯鄲想曲肱吾所師

忠肅集卷十五

忠肅集卷十六

七言古詩

汶上送黃任道游吳

屑霜飛空木葉脫長河波光碧玉滑江南仙客厭塵埃
 歸夢寥寥向吳越故溪時到春未還正是梅花弄香雪
 太湖寺下吟新詩姑蘇臺邊醉寒月江橙甘熟霜夜酣
 吳酎香醇凍醅撥遼東歸鶴悲是非鍾阜曉猿驚契闊
 嗟予不得從之行兀若孤鷹歎鞴紕東南山水游子多

宋

劉

華

撰

航深履險無時絕去非賈道百不一寂無風詠十常八
君提吟筆尋鄉邦詞源浩若天潢決形容物象空鼇峯
搜摛祕怪窮禹穴人生難足惟勝游意適何勞計窮達
崢嶸歲律南浦寒早晚歸艎櫓聲軋不獨孤陋勤所思
雙白應須念親髮

秋收

農家之富秋始見十色田利皆豐登擔贏車載上場圃
環舍隱積如高陵園蔬林果不足數山雉野兔霜未增
連村簫鼓謝神貺穀黍換酒無斗升田家之樂豈不好

胡爲不歸邀我朋榜舟梁澤稼汶北咄哉反此如鞞鷹
社日陪祀渚宮退作長句呈聖鄰屯田

楚鄉地薄氣不密寒燠開閉無春冬盛陽不効二月尾
日夜霰雪雨以風社壇汗潦害展祀奠獻蒹席移渚宮
層臺大廈禮少變餼羊不去精享通須臾已事雲解駁
象緯落落天曠曠起憑危欄久顧望肅然羽翼開愁胸
恍疑身世此何地蓬瀛岌岌三山宮平湖無波萬籟息
但見橋影僵雙虹豈無林花與嘉木蕩搖摧折今一空
枝頭尖纖卷寒綠水面狼籍浮殘紅荊州獨此號勝地

經年未始來其中
夤緣陪祀幸一至
豈明端值青春窮
嗟吾老去少懽緒
况乃人事多怱怱
與君卻作避暑約
解衣岸幘看雲峯
攜壺挾策無不可
此樂豈待春游同
送客渚宮歸至學
舍覽君佩獨登城
樓詩次韻奉
和
淵明田蕪猶未歸
胡爲簿領甘沈迷
樂時選勝豈無意
政值一春風雨淒
但宜夜几守黃卷
酸寒擁鼻燈火低
感陽充發破陰沴
幾日天氣回慘悽
朝來送客過楚渚
平湖綠淨凝玻瓈
乍驚物象豁塵眼
亦有亭榭堪攀躋

草光浮浮古岸北
花氣靄靄層臺西
盃盤共坐蔭清樾
歌笑起行循大堤
鳧雛鷺子漾淺曲
絕勝乳燕窠深閨
幽尋蹢躅不自覺
城陰步滑猶春泥
心閒漫隨流水遠
境靜卻增幽鳥啼
何時短艇弄明月
安得巨筆凌長霓
歸來學舍坐搔首
外物何足干天倪
闊疎但愧事業淺
剛褊分與時俗睽
如君年少喜學問
青雲萬里端可梯
城頭新篇真自得
豈假朋友相招攜
我亦林泉偶尋勝
因君成詠初無題
登高能賦子之職
敢以城闕譏挑兮
承牒荆門呈諸友

方城道中詩墨新

澤民近沿
牒方城有詩

荆門山下有行人同

盟邇來無髣髴傍馬欲去向逡巡荆門西行一百里玉

泉之境天下聞諸君不能伴康樂請賦黃鵠飛秋雲

次韻王潛江馬上長句因招之

雙鳧飛下王喬縣別後緒言談未遍君能有意齊是非
吾久無心恥貧賤青袍塵滿高情倦急索歸鞭重增眷
陶家池榭雖所懷楚渚林亭應未見

題致政朱郎中适園林

南宮仙郎綠髮翁歸來甲第荆城中翁家祖世有名德

至今孫子傳清風園亭繼繼事營治增華到此窮智工
鋪張百物各有職崢嶸一界疑壺宮清明過去春事老
林叢暗綠陰相通朱欄曲檻巧暉映曉風夜露香溟濛
溪魚野鳥樂晴昊碧蘿怪石依長松方池清泚雖可濯
主人纓上塵久空年年三日縱士女觀遊思與鄉人同
及時娛樂日月邁肯使蟋蟀悲晉公閣書深藏一萬軸
牙籤錦帶嚴編封脫巾解屣游覽倦燕坐自有黃卷功
三年羈客偶幸至歸來搔首嗟蒿蓬生涯適意最難事
安用勲業銘鼎鐘鄉人勿笑翁不出門外勢利方憧憧

贈穆道士

離石道士心跡間學行已老猶少年昔游京師友豪貴
聲名成就來淮山恬然頗已厭俗累靖館嚴密諧新安
朝直香火儼畫殿步虛聲謠鏗夜壇六甲星辰逆禍福
一鑪龍虎誰神仙北州有客性疎野誤爲世網相拘牽
時來與子款譚晤閒心慰愜愁病蠲曾將出處大計說
聞吾至論領曰然東風滿江春瀲灩孤帆曉掛荊州船
他年會合未可約訪子應在蓬萊顛

次韻晉陵吳秀才傳見貺

道卿詩思清如水披衣霜夜吟寒星意深調苦悲萬古
平明寄與鍾子聽北牕病客爽心骨若飲甘露枯腸盈
嗟夫世故玩形器智者營役奔風霆區畛大小各爾志
不可慕者鴻冥冥吾于世紛粗有覺未逢燭理瘖不鳴
短篇講好聊寫意弱趙安敢當秦兵

小孤山

萬山逶迤起彭澤齊驅擁立江東隅水西平地曠千里
惟此一峯高孤氣巖勢峭鬱獨立意不與彼爲朋徒
夾水對峙寡當衆衆色媿慘驚頑麤天公結融若有意

以此壯我淮甸無青天長劔倚千丈碧玉大筍魏一株
古今畫工昧好惡峨眉鴈蕩爭爲圖方言訛傳楚俗鬼
立廟更以狐爲姑我行不暇諭父老正是北風吹舳艫

自福巖至後洞記柳書彌陀碑

一盂僧粥三鳴雞漸望天角生晴曦積陰凝靄不得肆
蕩滉破散爭紛披清明物象各有職如再開闢平艱危
游人襟韻廓以喜遠指後洞都忘疲小楚亭北望明滅
宛宛一徑微如絲問云般舟道場路從此亭背無險巖
寺久荒寂無足往念有子厚彌陀碑獨趨一里轉巖腹

剝粉敗赤逢門楣村童開關語嘲啞似云乞米僧未歸
亭亭故碑立青玉覆以老屋疎且蔽常嗟古人不可見
尚喜書法存于斯世言書字出心畫體制類彼人所爲
子厚少年頗疎雋字合飄逸狂不羈胡爲氣質反端厚
至今觀者多有疑或云彼以竄逐久氣志軟熟非前時
又云高才尚薄世故獨立法無所師吾嗟世俗日無理
好惡不正論苦卑臆決萬事豈獨此此書何媿人不知
碑陰三百四十字疎瘦勁麗何精奇九十三人姓名具
陳纘寶歷元年題云此柳書一碑者元和三年刊厥辭

至是二月始建立都其事者曷與倪墨蒙壁礙世未見
自我訪尋初愛之嗟物晦顯似有數恨不從事甞與槿
巖巖西山邃無數行及二寺方晨炊東南谿磴斗孤絕
下及平壑如懸梯南朝佛子謂慧海卜庵于此存遺基
鬼神饋食以車運石崖轍跡如在泥智不足以盡萬物
敢決真偽論是非老僧夜語亦有理明發策杖猶遲遲

代書寄文瑩道人

白雲孤起飛杳冥光如片玉輕如冰出山歸山兩何意
行止偶然無滯凝故人浮舟數百里得得訪我湘江稜

二十年間四相遇童顛疎鬢霜各增寒齋笑語極微妙
共以身世均鷄鵬瞥然去矣不我告振錫忽借南風乘
聊一徘徊駐衡嶽遂能放意窮臨登崔嵬老骸不知倦
軟輿蠟屐勤躋升窮巖險谷訪祕怪往往清嘯猿鳥驚
長泉落石響寒玉故意寫在朱絲繩仰揮雲煙斂羽翼
俯聽譽毀真蚊蠅書來所說謂如此而惜攜手無友朋
又云吾廬已堪唾況彼城市尤足憎意若欺我在遷謫
故以勝事用夸矜嗟如予者安足道進退大計兩未能
平生雅志在林壑誤落世紛親繳矰悲吟黃鵠慕越客

謝病高居思茂陵羨子徜徉類雲鶴顧我拘窘如鷓鷹
故應題詩遍崖壁曷若寄我勤緘滕山童癡立索書去
寫此安足傾愁膺

春日述懷

祥風靈雨過二月陳根新種苗爭抽早蠶生齊漸如蟻
溫飽指此無歲憂春酒未盡社已過節物又近清明頭
茜裙纈袖事來往方盤小榼相餉酬田家之樂世皆慕
貴仕難去賤易謀行矣請謝茂陵病一塵一耒歸先疇

崔仲岳鶴舟

綠髯滿領光且修紫石雙眼寒鉅浮茫然襟韻自軒豁
兒于聲貌非懦柔昔隨羣衆退禮部歸來便作滄浪遊
笑買漁艇出巧思飾以丹白名鶴舟長鬚赤腳分相與
鱸魚美酒他何求高吟清風洞庭晚一笛明月吳江秋
白雲無心伴疎散丹經有訣窮祕幽志非謗國慕處士
性欲避俗追浮丘不山不淵隱無跡時時飛棹來皇州
保康橋前艤清夢峩冠爛醉都城樓胸中有物齊出處
天下無方隨去留太平取士有階陞幾人年少能公侯
公侯未有君所樂一時外物爲贅疣束之簪紳豈其性

軋以利害仍相予媿嬰稻梁効雞鷄馳逐羶穢爭蚍蜉
 相逢感慨慕黃鵠嗟我方以斗祿囚賤官藍綬誰不爾
 應書隨俗卑可羞鶴舟之樂慎勿棄勸君起者非良謀
頂諸公詩勸君乘鶴舟就以舉故云云

虞城早起道中寄公秉幕府諸友

屋角一夜羣枯號曉來曠野風如刀峩峩殘雪路摧馬
 格格寒氣冰生袍四支僵痺非我有沉彼鞭韃難持操
 天東朝日東應澀亦戀陽谷猶深韜居常誰不事行役
 我行適此時令遭因思都府盛僚友人物一一皆賢豪

想今酣寢夢方足初離密幄驚寒朝左承右侍各以職
 氣語蘭臭顏如桃奉持巾匝事盥櫛傳唇澤面供香膏
 不容髮綠一點變亟以寶鑷爭除癘炎爐卻坐日當卯
 進酒為壽頌葡萄捋鬚束帶欲出戶問訊分付猶怱怱
 體舒意適自穩暖洋然盛氣虹霓高此時豈復念寒旅
 嗟世勞佚何相遼入趨留守退幕府坐据大案臨諸曹
 曹司進若魚在貫文書盈抱紛牛毛爭前鬪敏請莅職
 研磨濃墨揮長毫左手鈐前右摘尾落紙葉葉如翻濤
 逢姓書字且不給何暇可否知根巢坐中耳目已煩困

庭下敲扑仍喧囂伏膺抵手腕疑脫退食筆硯方能橐
 乘除賴有此事在庶幾可以均吾勞人生誤落世網內
 區區係累安足逃要之虛中日自靜不使內外相鈎膠
 無窮來物彼千萬坐任變化無吾騷崢嶸年華已迺暮
 不日春意生蘭蒿一樽相與莫相放天下萬事從滔滔

還郭祥正詩卷

李杜酒死詩不作風雅三百年來窮世儒未必甘汨沒
 才不迨志終無功汾陽有人字功甫歛然聲價來江東
 當時未冠人已識知音第一惟梅翁翁主詩盟世少可

一見旗鼓欣相逢當友不敢當師禮呼以謫仙名甚隆

原註聖俞以右為李曰後身故諸公皆以謫仙稱之君亦自謂太白出世姓雖異

精靈同姑蘇江水瑩寒鑑江上碧玉排羣峯壯吟豪醉
 售佳境日題百紙傾千鍾折腰 綬豈所樂養親斗粟
 曾未充逢夢幽夢掛寒月青山歸思隨飛鴻書來句我
 三巨軸華緘開破溪雲封駭然按劔覽珠璧悸若亦手
 勃蛟龍長吟千言短數百造詔險怪神為工四明賀老
 忽去世伯牙悲愴閒焦桐嗟予蓬子衆人後今其所得
 何取與前日過我北池上正是清露沾高松涼軒坐聽

哆宏辯瀑布千丈懸秋風謫仙有此願自重世俗酣尚
惟纖穠彼其耳目不自信滔滔誰樂聞鼓鐘勿意雅太
興禮樂一日鑒賞期至公煌煌帝業子當頌上歎憔悴
空山中

一日送蔡景繁赴淮南運使

新堤洛水長風下入長淮春浩渺淮南使者蓬萊仙
疊鼓鳴鑊船曉旦時契闊慕聲名晚歲綢繆親紵縞
磨鉛並直登瀛州對案同廳佐京北青蒿長松慙異質
疏水高山喜同調雖當控惚喧囂兆不廢罇鼎與吟嘯

歲月撲面來紛紛冠蓋送客聲擾擾北園去歲賦紅梅
南浦今春歌碧草黃金龍節使光華白面書生才縹緲
世高臺閣與省府編歷從容譽清劭投虛餘刃無足爲
澄清百城付談笑時行有命又有義所遇何多亦何少
未應刻意懷軒裳知有高情在魚鳥黃鵠千歲凌長風
奈此沙邊老鷓鴣朝廷羽儀重人物行聞追鋒賜嚴召
玉音寄我其無忘時有歸鴻下雲表

酬寄

趙郎趁我弛擔初爲寄肘後楊炎書盈編專備瘴嶺病

仁及來世功誰如城南老廬有別舍我來埽榻成燕居
 坐忘不復一念起寸田自治何須鉏養生防患不知此
 從事方藥亦已疎飛鷲未妨墮溪水黃茅正使侵庭除
 玄膺晨漱已可飽脯膳况復餘米魚聊將此書一過讀
 寄語庶不憂鄉閭

跋覽前此唱和詩卷有詩次其韻

窮不廢詩真技癢筆研風雲日相向聖賢發憤乃有作
 三千餘篇自古上荒城誰我同此聲惟有哀猿嘯青嶂
 窮人所作誠已難平淡豐腴乃嘉唱橫梁壯氣雖蕭蕭

擊鉢爭先猶行行敢懷修門成怨騷亦防飯顆嘲苦相
 江湖千里山千重朝夕供吟紛萬狀閒適非以娛時人
 可口甘酸勞醞釀後詩韻此處缺兩句大兒歸不開卷軸喜我
 窮通心已忘種瓜頗欲學東陵醉尉亦從呵故將古人
 能輕萬戶侯為有千篇相等量

再作

何事勞心四愁望側身泰山日東向君子九夷猶可居
 已謀築室金溪上距江藍興才兩舍遶郭屏風列千嶂
 門中翰墨傳風流自為師友相賡唱曹氏聲名父子間

謝家文章弟兄行古人至樂蓋在斯得意未肯博公相
 頓挫萬象歸毫端雕刻丹青盡名狀古風嚴重周廟鼎
 小律軟美楚人釀居人惻惻盈錦囊游子篇篇出驚浪
 苦心頗恨語不工故實仍嗟老多忘憊休矍鑠空據鞍
 銳勇終輸少年將主盟定霸益勉旃少陵勲名何可量

長句送歧之官蘄水

前年東秦夏六月望日拜恩初賜玦降秩削職遷黃州
 倉皇束裝三日發故國東平不入城北山一夜辭松栝
 親朋問訊若夢寐骨肉分留作胡越論罪豈合有民社

抵巇正欲加鈇鉞仇家之議不盡用天地寬仁日月察
 纔令分司置之蘄上表謝恩秋已末以御魍魅乃其分
 欲居蠻夷聖猶屑蘄也雖僻自善地回環山溪富林樾
 平生雅志在江湖頗與蘄人相締結收拾孥屬已團聚
 南北無心更分別白魚煮玉秔炊珠佐以秋菘與春蕨
 築室求田雖未就典衣賣裝略無闕大謬不然心已忘
 笑人非工已愈拙人生端若夢栩栩事去何庸書咄咄
 大兒調邑換江南要雖分房無遠別地劣兩舍不宿春
 晨起為書午可達邑四萬戶號難治民雜江閩吏貪猾

鋤疆洗惡勿著意魚逃至清人忌潔化以誠心磨以久
教而後刑不怨殺得聞無毀亦無譽以慰蕭蕭雙白髮
易元吉畫猿

榭林秋葉青玉繁枝間倒挂秋山猿古面睢盱露瘦月
毳毛勻膩舒玄雲老猿顧子稍留滯小猿引臂勞攀援
坐疑跳躑避人去彷彿悲嘯生壁間巴山楚峽幾千里
寒巖數丈移秋軒渺然獨起林壑志平生願得與彼羣
吾知畫者古有說神思為易犬馬難物之有象眾所識
難以偽筆消其真傳聞易生近已死此筆遂絕無幾存

安得千金買遺紙真偽常與識者論

此詩據聲畫集補入

五言律詩

秋日縣齋

節物秋將半疎慵日益加不為投劾去徒有折腰嗟味
酒懷江鱖乘風憶海槎東籬滿涼露已約伴黃花

九日再招趙滉

夜露感庭鶴秋風吹海槎相思悲歲月寂坐望雲霞終
夕孤蟾魄重陽近落花君無鄙貧令金藥徧陶家

和移居二首

作邑風流在新居卜築完清懽橐書入小隱奉親安日
淡城樓曉霜深園樹寒吏塗何所得試向靜中看
境物生新趣蒿榛失舊墟避塵深戶牖待月廣階除醉
夢飛鴻外吟懷晚雪餘相思歲將晏誰叩草玄居

登徐州城樓

彭城樓上望曠然今古懷山形東負岱河勢下通淮白
鳥孤雲並荒煙萬木排吾觀茲有得興欲拍洪涯

山口

古渡倚雙棹蕭蕭秋色殘山川南去遠風雨北來寒極

望銷魂易清吟得句難依稀故園夢千里下雲端

送曾繹松滋令

粹行完圭璞譚經得聖真青袍倚腰折素蘊喜民親友
益予孤陋官閒子隱淪風騷應賦古亭下蜀江春

次韻耒陽鄒明府庸

初作南冠至隨聞墨綬來猶憐百里遠時見兩鳧回江
日披梅雪春陽動瑄灰論文須太白還憶一樽開

泊漢口

大別山前晚維舟望古津孤烟漢川樹長笛武昌人珠

曲今何地蘭洲欲暮春文王嘗美化無復見遺民

舟次胡陵中秋不見月

舟泊古城下重雲埋桂宮舊期今夕負清賞一年空遠
浦依微笛陰崖斷續蟲篷牕強樽酒聊更約秋風

秋泊

寂寞將軍港船頭撞岸蘆寒濤能灌口幽鳥勸提壺水
漲江魚絕秋深野菜無如何晉張翰歸思為蓴鱸

梁澤雨中

點細波鱗淺聲繁客袂涼山煙藏晚翠水荇濯秋香帆

槩無聊國蓑輪自在鄉風騷已多感更欲上瀟湘

次韻楊郎中洙早春

病客疎慵甚江城節物新東風驚柳思暖雪鬪梅春老
信來雙鬢閒愁著一身賤貧非士恥漉酒有陶巾

次韻呂書記堤上見梅花

多病逢多事窮年負物華探春輸野客騎馬看新花南
國稀江信東風恨笛家瓊枝心願見行亦下堤沙

潭州湘陰縣萬氏積慶堂

原註堂在塋旁以歲時祀享

慶自前人積堂因孝子成惟時傳有後于此事如生喬

木風煙老佳城氣象明謝庭蘭玉盛知不負家聲

送永州黃判官并寄丁郎中

零陵古佳郡山水楚南奇太守逢康樂佳賓得杲之翩
翩漸高陸逐逐就新羈別子東歸去長沙風雨時

唐誦甥二首

唐生四方志投筆慕前人此日免魚腹異時觀虎臣茅
柴酒亦美玉縷鱸應珍莫恨衣都典歸來是早春
因滯江州久謂為千里遐欣曾逢漂母幾欲賣柴家癡
坐瞻雙櫓東行負九華歸須談旅瑣勿作勝遊誇

次韻聖和秋夜對月

綠桂西風老金波玉氣明清霜酣夜色羣籟息秋聲毛
骨無遺照關河共遠情十年吟塞曲畫角厭悲鳴

病起酬聖和

安佚失于恃病邪乘所虛遂嬰漳浦臥便憶茂陵居幸
爾筋骸立頽然鬢髮疎煩君山柏句慰此不材樗

留符離待鄉信未至

先隴封楸後羈臣賜玦時放舟初草草去國合遲遲珠
滑新粳粒金酣早蟹脂南遷真不負屈子獨何知

豐齊道中

路遠程難計人慵馬自遲
草蛛橫布網桑蠖亂垂絲
村落黃梁飯牆籬紫菊枝
時豐物皆好客思在青旗

送王子正寺祥斷

君仕本儒雅故宜京國游
官趨廷尉府心異法家流
白草侵寒驛清霜拂曉裘
行行句應好雲日望神州

小駟送錢中道

老馬久勞力主人真寡情
知非換妾去頗作戀軒鳴
楚豆不為薄江芻無限生
誠能懷舊德時借爾山行

次韻王仲達龍圖

常慕詩之學今逢將者才
諷吟真嘅炙畏默若銜枚
天地秋風老江湖醉夢回
韶英方合奏難使擊轅陪

早行奇山七

牽馬三更夢江湖萬里心
辨途聽犬吠占曉望橫參
浩露濡衰鬢微風動醉襟
輸君正酣寢鼾鼻沸雷音

鮮

原註君善

簡定國

詩以目疾在告

原子貧非病張生心不盲
興隨緣自足嬾與拙相成
竹

忠齋集 卷六
葉疑無分金徽尚有聲幽懷誰晤語空此望東城

吳舒惟校

送席汝明

得子固已晚嗟予材滯頑義合乃朋友不在疎密間江
關東風冷梅披臘雪慳扁舟共春色相約到淮山

洋計希顏

翩翩遠游子驅馬亂山岑丹穴飛鳴處高堂日夜心春
風巴峽曉晝霧楚城陰家世文章事仙臺紫桂林

題貴池亭次蹈韻二首

一夜山南雪清寒江上州年華隨水去客興爲魚留聞

鴈思湖表看梅寄隴頭檣烏風信好統鼓洞庭舟

魚味年年美何須問舊池江山清不改陵谷變難知節
物驚冬至蕭條使客悲謫仙游賞地空有日猿詩

丙子元日三首

瑞歷開三朔祥風驗八方年華恨催老節物喜隨鄉鬱
壘須時設屠蘇獨後嘗佳辰誰與醉夢繞故溪傍

爆竹驚山鬼雕幡戴楚冠祝延千歲酒練氣五辛盤江
冷東風外天回北斗端羌城霖雨甚從此看春寒

遙想千冠佩朝元太極天鳴鞘開殿戶索扇起鑪煙慶

事通祥表和聲入樂懸江湖祝堯意仁壽萬斯年

和吳端甫書懷

舊學驚心在窮居惜鬢華詩書憑淨几水竹抱鄰家霜
雪巴西夢風波楚北嗟知君厭留滯我亦正塵沙

二月二日

江鄉春值閏二月似深冬雪濕妨挑菜雷寒未起龍雞
蟲閒得失蠻觸小交攻稍覺雲天霽西山上翠峯

送僧懷善

獨鶴翩無累孤雲晚倦飛羣山帶江處一錫背塵歸妙

學窮神祕高懷熟世機漳濱多病客空此望巖扉

過桑八墓

夫子能詩者寒吟四十年于今傳好句無處訪遺編古
意哀東野窮愁死玉川惟餘北山塚松柏銷秋煙

寄長吉孫二首

別爾忽經歲言歸欣好音神清率更瘦學苦鄭立心竹
徑依山遠沙溪過雨深世科思汝父卽已御祥琴

賞罷盧溪菊來尋楚澤春蘭舟逾百日椒酒值佳辰勉
爾青箱學寬吾白髮人小園遊息地松竹更相親

次長庚孫自汶寄詩韻

近就陶家舍扶疎草木周頗移蘭就水已計竹爲樓飲
食隨宜足光陰任自流爾曹來伴老日問下江舟

輓慈聖光獻皇后二首

四紀坤儀正三宮冊號尊蚤還明辟子坐見太平孫治
誥遺神几歔衣出寢門如何天下養難駐白雲軒

聖孝心崇報宮廷詔屢頒喪期逾易月陵兆改因山已
想天人樂猶踰藥使還蟠桃舊亭上時節壽觴間

輓濮安懿王任夫人二首

自昔商任貴于今慶裔光來嬪周季歷有子漢宣皇柙
玉輝幽竈車雲擁畫裳哀榮無所憾新廟五陵旁
鹵簿三川晚佳城一品尊翟衣新繖命神寢舊王園淒
斷風鈴遠青蒼霧益昏從今知聖作大義稱私恩

輓大行太皇太后三首

四裔柔懷外羣生惠澤中簾闈九年政覆載一心公馬
鄧徒聞儉姜任詎有功風雲黃道靜杲日上天東
典禮辭先后恩私杜外門虛心延衆正損上益羣元仙
路三川近徽音四謚尊賓天去何恨聖孝託神孫

夕月沈金殿秋風冷玉衣臨當復明辟忽自厭繁機藥
使來何暮嵩呼數已非孤臣忘未報泣望國西畿

輓中書侍郎懿獻傅公二首

里開推前輩臣鄰接近班深心語默外大節險夷間付
託龜趺字哀榮馬鬣山遙知濟源第風月草堂閒

公昨初移疾予方丐一麾尋聞升屋告適是出關時零

落孤龍友

原註公與予及故孫
幸老最善約為三友

網繆記鳳池白頭懷抱

事西望不勝悲

輓右光祿大夫知樞密院事贈開府儀同三司孫

公二首

岑令神情竭裴公柱石衰國貪黃髮舊身負赤松期人
也將安仰天乎不愍遺延和聽詔語深見兩宮悲

樞極元豐議人猶記話言載來籌廟幄遂見偃戎軒一
品哀儀重三司錫命尊網繆承晚契揮涕望西原

輓司空文定張公二首

德業文章事公平取數多雖驚壞梁夢會有望門歌人
贖心徒爾舟移古奈何青編如可託後世看巍峩

澹泊環中妙超遙物外仙百年從委蛻一匱載彌天晚

忠肅集 卷五
契承知己遺風在象賢東橋松柏路不得望新阡

輓司空贈太師申國呂公四首

元祐飛龍日淮南卓馬歸周人瞻赤舄鄭國賦緇衣曠
度銷羣異清言析萬微方依泰山重俛仰失巍巍
衡鏡公多士著龜信兩宮羣生遂耕織四海戢戈弓奪
去天何速藏深壑已空潭潭新府第東閣閉春風
玉輩躬臨奠金錢詔治喪穉官周尚父世爵漢扶陽位
席虛羣望松阡竈舊藏門中蘭玉盛有以慰思皇
歲有懸車表新聞曳杖嗟風雲四朝仕公相百年家故

國山川近西郊鼓吹譁旂常難盡記情澤徧幽遐

哀魯國宣靖曾公三首

柱石三朝重軒裳五紀榮忠勲等張霍善慶似韋平光
氣收辰象儀型失老成易名宣合靖千古詔幽明
鼎鉉調元久貂冠就第閒朝廷方憲老夢寐忽顏山白
日佳城啟東園祕器頒深宮那可見桃李在人間
不慙天何埋云亡國所嗟還應騎列宿但說去流沙清
廟陪丞享鴻樞見世家悲風溱洧路哀咽滿簫笳

哀光祿王卿二首

天驥騰長坂秋鴻御順風俄從絳衣使不待黑頭公志
蘊留家集光華掩竊宮惟餘善人報流慶在無窮
義直中能恕才高氣不矜衆人疑白璧吾道信朱繩勲
業無天命文章有子興冥冥何可詰萬古一丘陵

哀太尉惠穆公三首

奔世承圭袞三朝侍冕旒臨邊晉羊祜坐幄漢留侯樂
易門多士幾深廟有謀那知天不憖俛仰一山丘
四塞宣皇武殊庭遠世機如何梁木夢不待袞衣歸門
戶傳蘭玉忠勲載鼎旂空餘殿盈字鸞鳳五雲飛

望履鴻樞府熙寧始識公容無高位氣語有大臣風感
慨方山仰驚悲已壑空緇衣國人意轉入薤歌中

哀應真李先生三首

名教心爲樂逍遙志自求遂成君子隱初異道家流風
月閒三楚巾裳付一丘空餘清泰院雲薜舊巖秋
節行幽人正林泉隱者恬忽歇東魯夢未上茂陵書世
變還舟壑門宏待駟車衆哀無以致爲託輓聲紆
生死心先達康寧壽亦遐令威成白鶴老子去流沙妙
意傳琴祖微言補易家試觀餘慶後簪紱已光華

忠肅集 卷十七
輓秦國夫人三首

原註安厚卿母

久被三宮眷誰如五福純
脂田天府國綵服斗樞人
枕夢華堂晚仙期碧海春
尋常居養地悄悄繡簾塵
賻襚來中禁簫笳去國門
素冠空列鼎白髮但歌盆
彤管音徽盛甘泉像貌尊
所傳天下勸豈獨慰兒孫
夫榮子方貴全慶獨乖離
晝靜蘭羞歇秋高薤曲悲
晴雲縈壽隴霜日照銘旗
無復升堂拜空餘執紼詞

忠肅集卷十六

忠肅集卷十七

宋

劉

摯

撰

五言長律

縣齋歲晚寄萊蕪田同年

原註雙字直儒

西北東南邑相望歎處居音塵路千里契闊歲三除
薄宦隨羣衆平生媿拙疎茂陵將謝病中散不便書
燕澤歸鴻盡東山晚雪餘江湖勞夢寐風土污簪裾
塵卷吾成癖囊詩子富儲孤懷吟劍鏢舊跡夢崑墟
今古看毫髮功名賸贅疽何時拂衣去相與醉鱸魚

渚宮

坤腹疏靈境蓬宮抱故城清風百年內芳草幾番平樹
 色埋危屋湖光泛彩楹真游三島近仙界一壺清外慮
 隨塵隔虛懷敵水明松筠烟翠老臺榭綠苔生敲枕巫
 雲近披襟楚吹輕舟橫疎柳靜橋卧晚波晴事往空歌
 嘯人閒自醉醒我來真漫興魚鳥莫多情

梁宣明二帝陵

原宣明二帝蕭答蕭歸也初湘東王繹平侯景之亂即位江陵改

元永聖三年兄之子岳陽王詵引西魏兵攻繹害之尋臣于魏而稱帝于江陵傳子歸歸傳子琮通隋所滅三十年為

侯景淪江左湘東復有梁經綸鍾厄會禍亂發諸王忍
 死瞻姑熟尋戈起岳陽車書千里蹙符數百洲亡二主
 非神武開基挾北強中興承晉睿慙德肖吳光歷閏天
 餘氣哇鳴井底鄉快心真噬腊覆手已牽羊臣妾隨三
 紀圭裘隘一方故都終契關宗祀各悲涼雙塚留哀楚
 遺孫盛有唐神靈依古刹雲木抱回崗野火穹碑斷秋
 風蔓草黃樵童雍門歎總帳魏臺荒天地雙車載興亡
 一酒觴冥然無足弔幽思漫徜徉

送李祕監代還

忠齋集 卷之六
天聖旁求盛明公射策賢三朝推國器一節到華顛
卵翼千餘士冰霜四十年至誠忘畛域端已笑韋絃
政愛偏東土民詎載兩川旄飄外臺節貫朽大農錢
松柏風霜後著龜禍福前求開建封幕又泛馬融船
士望儒林丈官儀祕府仙仁能化鴉泮明不浚魚淵
蔽芾人人頌京坻歲歲田吟春西渚殿醉月北樓天
卓馬周侯觀三公漢守遷蜀江飛大旆魏闕望非煙
賤子何爲者名途祇偶然世高劉表幕才媿杲之蓮
願借今難及道恩久自傳鄰哉拱堯舜天下俟陶甄

秋雨用唐誦韻

大雨餘炎洗清秋爽氣回人情醒委頓物象救低徊
隳岫茲乾翠田禾起早栽雲空明復晦風縷密還開
草合門三徑蛩緣壁四隈藥奩烘潤醖書几拂陰塵
蓑底漁情樂沙邊客意催簾幃晨氣濕蕉竹夜聲來
想見天開月行期菊滿杯端居聊可喜不用拂莓苔

六月六日避暑山寺次蹈韻

楚國元卑濕炎天更鬱蒸風吟同倦虎霄望劇愁鷹渴
肺塵將益流膚汗不勝嚙肌紛暗蟻遶鬢鬧飛蠅六月

常難雨三湘不識冰爐烘一天地火藥萬川陵氣候金
初伏襟懷水未澄高明尋偶得林麓遠同登此地聊幽
遁危亭更上層泉聲懸峭嶮松影轉觚稜汲井沈圓李
緣池摘翠菱涼清生洞壑秀綠動溝塍佳氣西頻望鄉
欄北屢憑有期羣野鹿無法問山僧雲石逢如舊巾裾
見若憎聊堪優卒歲不愧俯捫膺

和路秋懷三十韻

天地炎氛退江湖顛氣涼西風來沆碭久客興徜徉夜
匝烏南樹心驚鴈北方乍因鱸感慨肯爲鵬憂傷縱步

青筇杖投詩古錦囊精熒籬下蓓狼籍沼中香妙理晞
莊達哀歌笑楚狂是非來袞袞光景去堂堂別浦丹楓
老開園碧草芳林顛蟬嘒急霄路鷓飛長曉露清饒月
晴雲暖護霜琴中知水意樓上得山光桂長金波外槎
沿玉漢傍江天晚搖落澤國少凶荒竭作趨川壟歡言
治圃場神祠鼓遞響社饗酒初嘗自昔悲時節閒愁滿
肺腸宋生辭辨屈甯子意歌商代謝惟寒暑平均彼吳
蒼放情羣鹿豕度德負簪裳致主深慙尹汪陂又愧黃
無功可銘鼎有學不鍼育賦興須潘子詩懷勗謝郎雖

欣去酷吏更憶舞商羊不解葵傾日寧忘鶴返鄉錦封
西澤鯉珠剖北山梁寒馬難前慮江鷗肯下翔無爲澤
邊悴更賣橐中裝朝野多閒暇洪纖遂樂康何時放歸
櫓大編水中央
次韻跋贈登護法院澄心亭
昔泊銅陵縣重來跡可尋洞巖一指顧花谷記登臨歲
月回秋棹江湖入醉襟魚籃腥邑市俚語維山禽紫笋
抽薑圃朱丸綴柿林長官誇樂歲游子足悲吟眺望春
思曩疎慵老嘆今蓬廬把書卧空此望澄心

題和州雲蔭軒

古木無年歲新亭托隱棲交涂寒蠹整垂蔭亂雲低明
暗蒼烟合深沈綠幄齊雨回陰徑外日隔畫簷西涼露
緣虛滴珍禽占密啼仙家青桂洞隱士碧蘿谿覆冒均
松蓋妖穠笑李蹊坐疑秋色早境與世塵睽地惜開軒
晚名因寓意題還當推大蔭天下一民黎

城北庭

邊草連沙白燕雲擁漢青將軍眠塞壘使者拜王庭金
帛三千乘和親七十齡豺狼甘血肉騏驥老林垞秋色

思齋集 卷之七 吳舒帷校
榆將落書生涕但零邊塵何日靖願一震皇靈

次韻輅氏東亭書事四首

寄隱無懷土爲文倦解嘲地閒從草徧門靜絕人敲螳
伏尋蟬捕鶯斜趁蝶捎楚冠誰問事越鳥自知巢罇酒
欣常滿鄰書得借鈔援琴意流水彈劍恨空庖蘭徑深
添菊蔬畦淨拔茅殷動謝老圃善惡不相殺

幽懷樂所遇且任北山嘲世事棊秤變年光石火敲松
筠陰自冷蘿葛蔓相捎草密蛇橫徑簷低燕露巢楚醪
無再設斬紙不重鈔旋買秬留客親科筍付庖靈山瞻

三祖歸路近三茅塞上藏憂喜人心浪自殺

朝夕此疎傲東亭無我嘲並城田鼓作鄰寺食魚敲樹
密日先暝竹長雲可捎遠書惟鴈足小隱是鳩巢茶憶
新團碾琴緡舊譜鈔懟時常笑屈投間實慙庖霜雪期
松柏風雲富草茅周郎晚菘近有以代嘉穀

自有逃虛樂徒興尚白嘲晚槐嘶意急蠹木啄聲敲犬
傍青籬臥童尋赤棗捎微茫枕間夢安穩曉邊巢困憶
石泉弄渴思冰蜜鈔襲香蘭入佩益氣芑充庖疏洗王
家竹誅鉏宋宅茅東亭真可樂萬事付紛殺

忠清集 卷之六 吳舒雜技
寄長蘆福禪師

境與人相得長鯨宅海宮香花六時會心跡萬緣空地
恐諸天接江從九澤通潮噴寺門冷霞拂殿簷紅暮鴈
來淮北朝帆下浙東千重蒼桂霧萬頃碧蘆風納擁山
雲暖鉞函水月融當年約蓮社何日謝塵籠

七言律詩

離冀州馬上示趙滉

馬蹄輕滑背城闔廣陌朝暉健醉魂暑氣泛清憐小雨
木陰環翠羨名園宦遊淹薄風埃熱時事侵凌耳目昏

獨有空愁慵病客肯來吟嘯伴南轅

紀南道中望荆渚

地經三國鬪龍蛇江勢天形控蜀巴藏雨鳥歸荒冢樹
採金人聚淺壕沙子囊城廢今秋草高氏宮遺昔井蛙
倦客詩情真劫劫得于鞞馬似曹家

雙橋

危橋相向翼高堂步步行空跨石砭漢外夜驚靈鷲度
雨中秋臥綵虹雙烟開從此瞻瀛島路遠何時過楚江
記得扁舟綠楊岸畫欄朱柱對蓬牕

將至監利先寄王令

屈指中秋六曉昏
 大堤叢竹見霜筠
原註夏中奉有未
 堤竹成叢之句
 乾醉月題牋墨隨
 躡還家走馬塵撫景
 敢嗟經歷倦軒
 眉頻喜笑言親
 明年各是東歸客
 羊酪葷羹萬里人

監利泛化丘湖遂至北洲寺

淼淼平湖闊楚江
 方舟雨漿破秋光
 層風釣月嘉魚國
 飛雨翹煙白鷺鄉
 故老昔能悲岸谷
 騷人今但愛滄浪
 北州更有忘歸處
 寺壓蘋花千里香

馬上和王監利見寄兼簡鄒澤民

憶昨西歸春未窮
 重來堤竹已成叢
 川塍足水稻齊插
 霖雨漲江河欲通
 一馬久期均物理
 雙鳥安得快仙風
 故人況有瀟湘約
 應喜樽前笑語同

原註二君江南故
 人而澤民亦見約

會于
 邑中

高唐孟延年明府見招

公幹方吟簿領迷
 浩然詩句慰相思
 壯懷已有潘毛歎
 陳迹猶懷漢佩奇
 塞下書音稀鴈足
 江南秋味結葦絲
 況君多種官田秫
 欲趁淵明釀酒期

明勝

原注來詩有異絲
 之句乃道昔年金

招鄒澤民

吳舒惟校

日借西園放客愁
忘機魚鳥分相投
水深碧沼前時雨
風滿高臺六月秋
蟬嘒已驚移節物
鷗羣何事亦沈浮
煩君試拔塵埃足
來伴元生漫浪遊

次鄒澤民感事

河蝗蟻虱玩天恩
餉饋驅馳不足論
陛下至神收廟算
諸公何術偃戎軒
凱歌計日登宗祀
歸將驚秋翠故園
賤士江湖真碌碌
狂吟無以謝乾坤

清明日至潛江馬上先寄王炳之陳子正

桃花飄泊萬紅英
獨佩詩囊傍水行
二月東風撩霰雪
峭寒天氣作清明
病懷敢有賢勞嘆
壯志徒因節物驚
罇酒喜親陶靖節
經帷仍近董先生

原註子正說春秋

五月十日發俞潭先寄王潛江

雨過長風吹野塘
水深川路白泱泱
人如澤畔窮吟客
天似江南八月涼
陂下臥輪車乍歇
田間鳴鼓稻齊秧
長官應為斯民喜
準備新詩賦萬箱

戲呈詩會諸友

郢樓吟侶近蕭疎
椽筆貪抄未見書

原註澤民近多傳書

拙客懶

同嵇叔夜

原註自謂也

少年文愛馬相如

原註彦修直夫頗聞會賦

夜涼

燈火心親古秋老江湖興起予欲整羸師尋戰地清風無使舊壇虛

月夜卽席次韻

天帳空虛碧玉寒露華應滿漢宮盤十分月上星光掩
四坐詩成醉語闌楚渚鴈歸驚客恨庾樓風靜足清
一年惟有中秋賞銀闕鼇山夜未殘

次韻直夫喜與炳之會

莫悲人事轉秋蓬但使樽中酒不空尺蠖屈伸今我倦

南鵬飛化昔君同

原註炳之余同年

天晞殘雨偏宜晚堂壓寒

溪澹占風合繼回源書讌籍楚山堅石盡堪礮

次韻炳之河亭

風拂藍溪舞翠綃庾郎池榭旋誅茅春蘋初見香生葉
夏果重來子滿梢淥酒不空期霰雪清談爲樂敵絃匏
塵埃久負江湖志徙倚朱欄祇自嘲

寄鄒澤民祕校

去年樽酒共論文一別西園跡已陳終日城頭憶王粲
清吟澤畔似靈均懶書已負交朋責滿秩初湔耳目塵

萬里江風秋思近歸心聊復借鱸尊

送楊祕校

大檣雙櫓換巴船美滿西風水接天蘇子意飛黃鵠外
梁公心在白雲邊蟹肥采石秋霜足酒滑湓江夜月圓
綵服拜親無限樂幾多幽思入新篇

別田延年王潛江

才非王粲入荊州淹薄三年已倦游疎世自甘時不與
論交猶得子相求學知所樂輕支繡言至無瑕絕悔尤
大舜簫韶方九奏佇看靈鳳出丹丘

次李秬新秋韻二首

雨晴涼意日相親物物秋容絕點塵滄海誰期泛槎客
西風先傍憶鱸人收還志業圍棋局分付光陰漉酒巾
欲約一罇清夜話月中涼露滿松筠

風驚梧葉覺秋還萬丈歸心到北山已許生平江海止
坐求功業簿書間頗聞都護刊銅柱更喜將軍入玉關
朝野清明無一事相從那使酒罇閑

次韻李中舍秬秋雨

三伏方中火欲流陰霖匝月氣爭秋坐愁犀底須持蓋

聞說田間可漾舟，狂草滿庭泛戢戢。濕蟲侵戶聽啾啾，獨于水部添詩思。坐滴空堦興未休。

次韻酬李秬

公幹長迷簿領書，渥言那似阮元瑜。闇投子有夜光璧，欲報吾無明月珠。急景壯懷悲劍鏑，西風高興夢蓬壺。勉強豈使今慙古，元白鄒枚亦此都。

出都二首

兩漿東飛下大梁，樽罍漂泊過重陽。江湖常恨連年隔，羈旅寧爲萬里傷。淮寺月寒蘆颺白，楚林霜早菊迎黃。

篋中諫紙餘多少，盡寫新詩入錦囊。

重入修門甫歲餘，又攜琴劍反江湖。乾坤浩浩何由報，犬馬區區正自愚。緣熟且爲蓮社客，伴來喜對草堂圖。西箱屋了吾真足，高枕看雲一事無。

初發梁澤

蒲側荷翻小雨收，鱸蓴高興滿扁舟。雲稀樹色偏宜晚，天借湖光賸占秋。孤鶩落霞閑上下，紅蓮白鷺各風流。此行誰與同樽酒，南國江山盡舊遊。

金陵

月滿扁舟久客懷石頭城下暮潮迴霸王其業從吳始
人物風流目晉來大抵險深輸道德于今榛莽蔽樓臺
吟毫千百年間事賸寫江南庾信哀

南喜寺

天監禪僧此結廬石頭高士有遺居樓飛縹緲巖腰峻
庵靜崢嶸閣道虛雪後桂花香澗谷春寒松霧滴巾裾
山中物色吟雖苦盡是詩翁掇拾餘

靈巖寺

先望靈端金碧明久穿葱蒨踏崢嶸山疑圖畫曾經見

地喜生平所未行隨處石泉春渴解上方雲屋夜寒生
主人著意開佳境無負千年四絕名

連年往返水陸萬餘里今自鄉中挈家南來已至
江州行徹險阻喜而作詩寄之

亥宮驛馬歲翩翩又作離鄉路數千拔宅今爲大去國
出災休算小行年訪尋前日停舟地催迫窮陰舞雪天
屈指還家已無事便應調拂武城絃

舟次再寄

小孤風順水安流溢浦欣聞已繫舟幾日庭中折奇樹

從今江上解離憂
客心歲晚驚催櫓
雪意天寒入倚樓
東圃梅開酒更美
團圓無復越鄉愁

岸次見梅花不果折

武昌江口見江梅
紫萼瑤芳取次開
窮臘雪寒新霽後
滿枝春色爲誰來
坐嗟隴首無人寄
莫使城樓有角哀
猶喜東風慰岑寂
暗香時許度蒿萊

自衡嶽至福嚴寺二首

曉侍禪關入翠屏
烟嵐金碧旋疎明
旁看陰壑溟濛失
斗上雲梯僂僂行
漫興獨于元子愜
詩懷容與謝公評

區區出處勞分別
朝市山林各有情

俯仰巖谿萬仞臨
恨輸飛鳥極高深
青雲平地人難到
流水殘花路可尋
稍覺衣裾侵小雨
漸聞鐘磬下遙岑
丈人不厭頻來往
欲作香山得二林

福嚴寺呈貫之少卿并諸禪老

眼熟林巒認舊緣
耆關峯北入非煙
雲房直上三千尺
蠟屐重來十五年
山奧坐能朝萬象
地靈深自接諸天
暫游久住均如夢
社客何須約白蓮

至福嚴寺得鄒耒陽書因寄

盡室攀蘿入五峰峰前金碧寺飛空山當星鳥離方鎮
地闢天龍海上宮喜我徜徉泉石外憶君辛苦簿書中
登臨樽酒無因共半夜題詩寄北風

欲登祝融峰阻雨呈少卿

霧雨陰冥萬壑蒸五峰當面失雲層愁如藥使迷蓬島
路似仙溪隔武陵已認神靈憎俗客欲將魔障問巖僧
勞公爲我祈昭聖暫借扶桑白日升

贈南嶽菁少卿二首

原注師道貫之
管南嶽廟再任

身在南山非隱淪聞中官貴異風塵清泉白石預何事

華髮綵衣今幾人虛室圖書忘歲月壽筵香火祝君親
朝廷不以忠移孝又說恩函拜命新

世人行止兩怱怱公獨榮親祿隱中清職正同香案吏
曠懷都似漆園翁南陵蘭茂長羞潔內鼎丹靈老頰紅
雖喜論心慰遷客區區安足識冥鴻

贈黃少卿二首

仙翁來自太常班再乞林泉捧詔還養志祇爲華髮戲
無心宜共白雲閒一樽未厭塵中客雙屐同躋雨後山
爲寄東宮舍人語五峰新句兩難攀

攜筇得得訪雲關
恰值東湖賀監還
泉石主人元好事
塵埃游子暫偷閒
心輕齊組知靈運
文滿浯溪服次山
祇恐東風喚歸棹
江頭楊柳已堪攀

少卿送醉肴至山中

十里傳書厚意將
珍肴醇酎寄山房
定知僧舍饜蔬食
更欲雲巖有酒鄉
一飯常聞淮上報
獨醒徒使楚人傷
攜持明日到峯頂
試揖浮丘共此觴

次韻貫之見勉冒雨至後洞

狂電驚雷曉未收
春雲能護洞天游
徘徊已盡剡溪興

祕怪難探禹穴幽
彊勉更須勞屐齒
龍鍾何憚過山頭
從今功德應圓滿
厚意成人豈易酬

又次韻

已踏雲梯上翠岑
洞中聞說更幽深
夜驚寒雨生瀟洒
愁起孤猿助嘯吟
白日昔傳仙可學
青天今發夢難尋
故應清興無時盡
肯爲淹留折此心

登祝融峰題上封寺二首

磴險梯危路忽窮
勝遊須到祝融峰
九千丈外雲間寺
一萬年餘石上松
引手莫高疑觸斗
臨池毋久恐興龍

此山惜與中都遠未得君王檢玉封

寒風吹腦赤霄邊飛鳥猶難到絕巔下見人間又成海

恍驚身世此何天巖腰半白春留雪僧面多黔日冒煙

我亦淮南宗姓後舉家應合到神仙

貫之自嶽先還衡陽示詩見別次韻奉和

雲壑登臨杖屨隨狂歌清醉樂忘疲拍肩正賦遊仙曲

回首還吟陟屺詩春草便驚南浦別壽觴應慰北堂慈

區區流水高山意常有孤音託子期

忠肅集卷十七

忠肅集卷十八

宋

劉

摯

撰

七言律詩

春日

小雲崢嶸變曉寒舊年殘臘破新年明生月魄初三夜

氣動春灰五九天蓼甲韭黃隨綠酒綵幡羅勝上華顛

故園欲告西疇事思我楓林楚木邊

游白雲山二首

籃輦微風迎曉涼細碎草水無數香千巖雲歸雨未足

幾衝水淺禾難秧

原注山中之田每一水所澆謂之一衝如曰一溜也

吳奇惟校

石橋冷竹邊曲折溪路長西家又得避暑地翠微亭在

山中央

行窮葱蒨坐清涼隱几川原一炷香小雨輕從前嶺去

高禾移就下田秧禽聲不見山情悄江影新生客思長

政使歸期猶遠在白雲游樂未渠央

原注二月七日與客游白雲山二子

侍行路有詩次韻一首

次韻跋蹈山行

舟伏盤澗傍淺沙北風寒日氣清嘉初從磯口詢漁舍

漸入雲林問酒家萬里欲飛愁若絮小爐危坐眼生花
筋骸養作衡山力坐擁肩輿聽課誨

二子訪酒家不遇次其韻作

青旆不見山雲深何以慰此二子心阮修杖頭故應在
黃公舊壚無處尋求有不得事當戒興盡必返愁難任
仙家竹葉未必美舟尾茅柴還可斟

賞心亭

佳山逶迤抱故國危觀突兀凌長波仰憑飛景赤霄近
下瞰萬木蒼烟多三閣繁華芳草在七朝風物一禽過

忠齋集
後人未見與亡本祇笑陳家玉樹歌

涵輝閣

碧波瀾漫正春湖草色黃深岸四隅新謝小桃雙燕至
從南微雨好風俱暫來祇是林泉客長見須憑水墨圖
無數鳧鷖記相識近人浮泛滿青蒲

王母池

阿母宮前阿母池池光清滑瀉玻璃岸擊黼座涵佳氣
影上仙衣潤彩霓靈液發源來海谷飛花隨泛出桃谿
羽車鳳蓋無消息寒月沈沈寶殿西

次韻王太博關太丞同遊石鼓山

禮局仙人兩俊流高才相敵異商周北溟風水初登化
南楚江山晚並遊契闊歲華歸大笑留連騷雅入冥搜
江邊一醉驚離散應有功名約白頭

次韻陳秀才胄遊石鼓山書院

山頭雲木鬱青蒼山下江流淨鑑光亭閣瞰臨慙舊句
巖溪開築想前良心甘水石忘羸宦耳冷絃歌歎土鄉
寂寞先生與叢竹相看孤節幾秋霜

元日寄耒陽

元日江湖萬里身四方南北等埃塵莫悲天地如行客
還喜瀟湘見故人淥酒桂盤催獻歲小花羅勝寫宜春
淵明祇向東風醉應笑窮吟浪苦辛

次韻耒陽鄒明府庸

夢北光陰一鳥過四年四渚負長哦逢君舊眼青猶在
驚我寒鬚白已多言偃政聲方浹洽茂陵歸思獨蹉跎
何時又見揮吟筆快若輕丸下峻坡

原注君詩思敏捷

承以舊韻示喜霽詩次和

楚雪飄殘四望間江山晴氣撲衣冠曉餘霜日明崑嶺

清極人家在廣寒賸琢瓊瑤君句巧相當旗鼓我才難
青天寂寞浮雲盡最愛春風幾鶴盤

簡提刑朱仲隱初玉學士

當年蓬館近儲胥紅壁東西對直廬綿蕪同參曲臺議
芸籤分校御前書竭來憔悴騷人國隨見光華使者車
莊舄有吟皆病思賞音徒欲慰頑疎

原注君詢索近詩

次韻朱仲隱寄鄭寺丞

猛脫塵勞厭競馳歸來不著楚騷辭江家有宅能依竹
陶令臨流祇賦詩簷北嶽雲供顧望水西州市隔喧卑

康強八十人難者此外窮通各一時

送呂雅寺丞

王府文華異俗氓丹山毛羽盡祥珍伊臯相業光前史
王謝家風世有人好學少年忘貴胄摘詞奇藻敵陽春
如今四海皆桃李曾見槎通萬里津

路虞部得代還

東風楊柳認春天輾轆車音向郢山久客不知游宦樂
五年方喜取書還邊兵近日屯湟水漢將何時入玉關
自古西人多慷慨功名無使壯圖閒

次韻聖和還自京師途中見寄

郊原新雨靜纖埃路下非煙白玉臺遼鶴應悲里中舊
仙鳧今自日邊迴雲端心望高堂喜馬上詩尋故社來
牢落不才疎世者尚貪斗粟變蒿萊

次韻李聖和寒食郊居二首

春郊寒食歎淹留巧映鞦韆樹色柔杏萼離披翻白雪
柳花輕薄聚圓毬風光無賴撩歸思節物相逢眷昔遊
塞下塵埃侵夢想何時仙袂揖浮丘

林梢黃綠野禽鳴泱泱春陽泛地平禁火人家甘冷淡

浴鰲天氣趁清明誰將馬絡尋春去獨佩詩囊傍水行
稚女弄花田叟醉笑歌真是太平聲

次韻李冲聖和秋懷

燕鴈南來久客驚寥寥風色試寒輕吟殘紅葉詩無味
歸識滄洲夢有情歲晚壯懷同劍冷樓高愁思共雲生
淵明無酒重陽近幾日東籬繞竹行

聖和受代

枉尺誠非聖賢事守道固與時俗違難哉仕者行已志
況復儒生疎世機喜聞傳告令尹政應歸湔拂塵土衣

快君高舉歎留滯把酒爲歌黃鵠飛

次韻王太傅同陳長史訪僧不遇陳君先歸

林宇幽深止秀奇中間寧有大顛師漫勞雪客乘舟去
卻是雲僧採藥時歸興忽同分嶺水餘懷誰共一枰棋
故應重作春游約已覺東風傍柳枝

謁金鑾瑩禪師

西城十里入溪林頓覺塵埃脫醉襟淺渚敗荷縈白曉
淡雲疎木抱清陰陶潛但有思歸賦韓愈殊無喜吏心
遺照主人應念我試將秋思寫瑤琴

照堂名

次韻王太傅答周郎中寄酒

丁雲寂寞歲將回
門靜因逢載酒開
白雪雅歌郵置去
社泥仙榼印封來
塵闈即日先稱壽
賓席何人伴倒罍
吳作獨醒孤遠意
杜郎親撥凍醪醅

再酬王太傅

出臺仙客苦能詩
思入風雲學有師
楚國大夫吟澤日
江州司馬愛山時
年華悄悄還杯酒
塵事紛紛付奕棋
想得懷歸心似我
越禽常自記南枝

次韻王弱翁借書錢君

錢家書橐盛儒林
禹穴時容探萬尋
嗜好自同皇甫癖
寫傳應慰獻王心
此于取與無傷義
盍以幽奇付賞音
猶說冬官未通借
覽之安得有千金

次韻弱翁早春病起

換骨欣逢九轉丹
東風迎歲雪梅殘
玉良試火增虹氣
鶴老經春怯露寒
詩就越聲驚惻惻
夢回天樂記珊珊
故應有德神明相
寧事祈禳叩夜壇

次韻弱翁春中久雨

楚雨廉纖無盡時
園亭惟有草菲菲
桃花泛水飄紅去

燕子貪泥帶濕飛潤徹玉琴春氣弱聲侵羅幕夜寒微
東陽病骨疎慵甚留取清樽待霽暉

次韻王弱翁題承天寺萃景亭二首

左右青林抱邃深徑隨蒼蘚上煙岑陵遷漸失三湘事
春潦閒傷萬里心我愛白雲親鳥道誰臨滄海較蹄涔
北欄曾指鴻歸處晉邈鄉山不可尋

四臨千里一危軒灑脫塵中兩耳喧隱几風波隨客棹
對江金碧露僧門數峯煙老靈妃國三月花殘杜宇村
不得相從嗟筦庫新詩猶喜慰冥昏

次韻孫景修題萃景亭

公遊何似拙翁巖原註公守桂陽開鹿頭山名其巖曰拙翁盤磴先經釋子

庵視聽稍遺塵種種高名聊換府潭潭時驅萬象歸吟
几盡洗叢荒破暝嵐更有風華入春望名園都在面東
南

又次韻四首

于此登臨稱謝公湘南奇觀欲吟窮天沈暮鳥煙氛外
山抱春城霧雨中陂岸放車看宛轉寺簷飄鐸送玲瓏
老僧已許炎蒸日為借清風解簟筒

思齋集 卷六
吳舒帷校
縹緲飛亭倚半空
景來酬對不知窮
天開雲嶂輪環外
地蹙林丘尺寸中
時有桂花飄馥烈
恨無泉玉瀉玲瓏
楚人不識靈均意
江上年年費粽筒

背倚叢岡面佛宮
登臨酸足喜途窮
白紅花意生洲曲
紫翠山姿落酒中
寒鷺見魚行歷刺
珍禽驚客語玲瓏
亭前雨足農知歲
免卜靈龜灼腐筒

隱几憑虛萬景空
浯溪能使決山窮
于今川隴民歌處
曾是干戈霸業中
蘋末起風香細碎
水光浮日影玲瓏
苟能適意茅簷足
何必鴛鴦碧瓦筒

送衡州王仲和郎中代還

鏡鼓催船下洞庭
幾灘冰澁滯雙旌
崢嶸霰雪暮寒重
早晚瀟湘春水生
君意喜先湖鴈去
我懷方共夜烏驚
明年奏課趨雲陛
拜罷當如漢仲卿

寄湖北運使孫景修朝議

曾伴籃輿入翠微
杪齋終日醉春暉
親烹林筍班犀大
旋膾溪魴白玉肥
歲月幾經鴻北去
風雲應有夢南歸
猶令猿鶴無驚怨
聞說頻年見錦衣

原注公雖在北路時以使事過湖

秋日卽事

湘城風物向秋新
與入羹葍與鱸鱗
葉舞霽紅楓映寺
蓓含霜紫菊迎人
瞻望河漢乘槎客
歌詠倉箱擊壤民
欲放幽懷到滄海
徘徊黃鵠更傷神

偶吟

平昔名場氣吐虹
青袍霜鬢老湘東
舊交半在雲霄上
壯志都銷水石中
樓上買魚乘酒熟
舍邊秧稻指年豐
清風令德人胥化
合使鄉閭號鄭公

被旨還闕訓答諸公韻三首

楚雪三經橘柚天
君恩新許出湘川
雖非殿席虛中夜

且勝臺郎謫九年
歲晚病懷孤劔外
江寒歸思亂雲邊
妻兒莫恨歸裝薄
賸得諸公錦繡篇

湘南竊食漢鹽官
長記靈煙魏闕端
隙過白駒三歲月
萍漂滄海一孤寒
九重寬宥環初賜
萬里歸心斗欲干
常媿主恩深未報
慨然真喜脫囚冠

幾年南楚聽哀猿
自昔江湖憶帝闈
粉骨何裨天下事
賜環難報聖君恩
餘光久記仁人里
引重仍慙長者言
安得新官才棹速
更隨春色到鄉園

喜跋蹈登科注官

原注餘姚鳥程

祖門傳子又詒孫善慶儒科燕後人
鴈塔繼題三世字
桂林仍見兩枝春稽山照邑天如畫
香木浮州地絕塵
我亦浩然歸思起明年雙棹趁吳尊

倚舟崇福寺寄臨湘衡文叔祕丞

相逢相別立湖邊幾見樽罍換歲年
簿領初離仲宣幕
政聲猶屈武城茲歸舟落晚惟荒寺
病枕驚秋聽早蟬
咫尺松風亭下路可憐雲霧隔青天

原注縣舍有松風亭

行虞城縣早起寄公秉

一夜風聲海沸騰東衣寒屋赴晨興
雲吹慘澹天西月

馬踏玲瓏雪底冰吏事不堪年老大歸懷
那復病侵陵
遙知宴息庵中夢正在仙門第八層

寄公秉李郎中

二月晴霜冷逼人深紅桃萼爛繽紛
寒中悄悄春強半
湖上悠悠水十分心厭留書期謝病跡
疎罇酒憶論文
東風留著芳華在何日仙臯下白雲

次韻王定國湖上

君來惟有岸蒲青落窠羈懷獨此行
深塢自迷春草色
綠陰初夏變禽聲龜毛兔角知何物
鵬海鷓枝各有情

且共論文一樽酒吳霜從向鬢間生

和王定國

地遠城東得得來正如湖畔共含杯
眼中故舊青常在鬢上光陰綠不迴
歸去汴橋三鼓月相思梁苑一枝梅
我閒時欲尋君醉爲備芎膠更滿壘

原注病目君爲置芎酒

次韻定國約過李氏園池

年來高興滿尊絲寒薄春風駘蕩時
稍愛燕脂開杏萼已驚香雪爛梅枝
老于樂事心猶壯病得新詩和獨遲
何日華鑣向金谷擬追仙翼到瑤池

次韻答王定國

汀州居士赴東城旬月相忘不寄聲
閉戶邇來能避謗求田何處欲歸耕
筆端浩蕩詞逾壯胷次崔嵬氣未平
我有白羊新賜酒澆愁聊可一杯傾

次韻王定國懷南都上元

九陌無塵夜霽天兩都風物故依然
車馳馬逐燈方鬧地靜人閒月自妍
佛館醉談懷舊歲齋宮詩思鎖今年
傳聞公子微行處門外驂騮立繡韉

原註去年上元南都同李公秉三四

輩游靜覺遂臥上生院今年致齋太常聞定國游相國

同孫推官迪李郎中鈞督役河上敘懷三首

時哉風物媚郊原無賴禽聲對客喧
山色帶煙屏依漢春陽凝日浪浮坤
河功田利茲為重士賤民勞豈足論
仙老不妨持道氣朝餐華景望朝暾

平湖勝勢抱南城花氣濛濛馥近坳
黃變柳條歸老綠

紅殘桃葉換尖青春乘病後成多感
事向閨中見未形

日日攜茶喚賓友吳泉烹盡惠山餅
原註來詩問南湖事

車馬傳聞漸欲還河邊陳迹棄春灣
睽離心恨三秋月

積累功成九仞山從事獨賢公弗歎
散材無用我宜閒

放夫急趨蘭洲賞寒食光陰俛仰間

送許敏修使二浙二首

大夫才業帝都俞清潔寒冰在玉壺
流馬阜財求八使

鑄龍班節重三吳海門曉日迎飛鷁
笠澤秋風趁鱸

亦欲東遊聞米賤行臺還可庇疎愚

蒹葭曾愧倚瑤瓊京兆經年共左廳
屢喜足音臨病几

原注臥病日久屢蒙訪問獨何才力致虛囹
原注君治開封有能名以獄空被賞亦及不

聞山近部榮鄉繡越客何人識使星
隨看鋒車下江

海歸來人物重朝廷

題泰定小雒亭

名花多自洛城傳物色春工十指間
漸買姚黃并左紫恨無伊水對嵩山
主人妥妥多材藝俗客悠悠幾往還
惟有萬竿亭背竹霜青偏解照衰顏

八月十二日同楊誠之馬全玉王似之泛舟至舊

州塔下作

秋水瀾漫山翠微西風清好坐吹衣
濃雲將雨東西去白鳥窺人下上飛
陵谷是非詢野老滄浪懷抱負魚磯
遲留莫聽嚴城鼓待得雙橈弄月歸

次韻趙伯堅令樂郎中憶南都牡丹兼寄子由

芳叢百朵爛紅雲曾倚西軒醉兩春
夢雨一驚巫峽曲佩香常記漢江濱
病懷日負杯中物花意今看檐上塵
回首東風君自問欄邊更有後來人

城北

寒門秋色陣雲飛雉堞烟青畫角悲
河坼波濤含趙魏星分畢昴半華夷
太原獵狝當征日瀚海單于欲戰時
六十萬兵閒飽死誰憐山後八州兒

喜王彥祖新居

今見黃州慶有餘侍郎門戶已容車風流地望烏衣巷
瀟灑仙人碧落居三畝江家須種竹一區揚子獨藏書
東平我久猶如客何日菟裘近里間

北山道中

隨馬盧泉碧玉流野林春鳥語鈎鞞桃飄殘萼紅堆水
麥換新苗綠滿疇世味淺深聊爾爾生涯消息強悠悠
不如收拾詩千首要似張家萬戶侯

題所居圓明庵

茅翳幽廬小圃東葛巾藜杖稱高風守方固恐形爲累

內照應知色卽空出入有虛還有實輝光無外亦無中
世人欲識圓明事盍問名庵隱几翁

還句龍緯化文詩卷

誰識斯文久寂寥希聲杳杳思滔滔氣無外物纖毫累
才有靈光萬丈高誤借鼓鐘娛海鳥自堪奴僕命離騷
啞鐘亦欲煩君手能爲孤音解鬱陶

贈汪汾同年

往歲仙遊白玉臺拍肩曾喜得洪崖高門已覺陰功在
古獄猶嗟寶氣埋風竹夜聲清醉枕雨峯秋色滴吟齋

丈夫未老無多嘆會見勲名與願諧

祕閣曝書晝次韻宋次道

帝所圖書歲一開及時冠蓋滿蓬萊發函鈿軸輝唐府
散帙芸香馥漢臺地高祕真疑海藏坐傾人物盡仙才
獨憐典校來空久始得今年盛事陪

請病起次和何温甫祕丞琬中見寄

士譽民謳楚粵間相逢傾蓋問南冠吟餘候館春風峭
病後湖天霰雪寒應喜白雲瞻望近原君迎獨憐滄
海去歸難雅歌贈我琅玕意欲報慙無兩玉盤

聞東園諸學生雪飲寄之

大雪填虛翻海波袁安門戶可張羅寒驚春絮因風早
病覺空花向眼多梁苑喜開陳桂酒郢人誰已唱蘭歌
少年撫景應須醉莫學衰翁著睡魔

元日示彭器資御史

天歷開祥歲屢登命元頒號繼熙寧春風寒色猶燒臘
北斗杓端已轉星初退賀班東上閣卻觀郊樂太常廳
便期節物尋樽酒莫問吳霜換鬢青

再和

大禘新元詔太平萬方承慶日神寧壽觴別殿稱山嶽
治象端門燦日星放仗暫騎歸舍馬束衣還就致齋廳
史官不用占風瑞從此豐年紀汗青

次林御史次中韻

一鶚將從北海飛豈如窮翼老差池方嗟簿領迷公幹
尚喜琴音得子期別思俄聞賦南浦殘花猶可醉東籬
留連且此同罇酒歸去鱸魚未過時

原注時揚州陳丞相辟君幕府

再次韻

昔歲相從向此都重來風物變南湖莊生達觀嘗齊鷄

張翰歸懷豈為鱸世事不窮勞強勉官期猶遠盍躊躇
新詩易得皆精好真似元和咳唾珠

次和次中簡留守蘇子容

濶園文雅久湮淪居守今逢紫禁臣右客游梁似司馬
主人開閣等平津不才亦預門生舊承乏來趨幕府新
共喜風騷壇將在簫韶時許擊轅親

次韻次中居士容還朝

公歸真足慰儒林雲日重瞻帝闕金聚散可驚陳跡事
行藏誰見古人心春還漢省苔新舊霜逼吳船水淺深

坐憶茂陵猶未去悠悠徒有病中吟

次韻次中題雙廟

凛凛英風數百齡舍生知與義相形莓苔老澀穹碑暗
雲木疎寒古殿局自許孤城摧虎兕至今遺事炳丹青
二公死所真難處獨恨臨淮有遁刑

次和次中久雨阻行而聞浙中旱乾

積雨廉纖氣已淒曉雲凌亂四天低吟懷撼撼聲侵竹
歸思漾漾水拍堤東海可能均霽日北風曾未送陰霓
應須更問淮南米莫厭留連鷓首西

忠肅集卷十八

忠肅集卷十九

七言律詩

宋

劉

摯

撰

正月十一日迎駕大慶殿次曾子固韻

錦繡龍鸞仗衛新
絳袍黃繖拜行宸
天開雲日端闈曉
歲謁衣冠別廟春
歸輦順風傳鼓吹
廣街嚴蹕靜音塵
上元咫尺瞻游豫
更慰都城望幸人

次韻和門下相公從駕幸太學

詔移清蹕下齋房
訪道天臨舜上岸
正坐橫經開鳳展

衣袍接武照鵷行
雍宮故事收炎漢
闕里斯文盛素王
宜有諸生知聖作
勉趨賢路起東堂

立春後泰祠東郊呈器資二首

走馬東郊春早時
宿雲容與澹朝暉
溪邊水暖魚初上
塞北風柔鴈欲歸
君賞已誇梅白早
我來仍見柳黃微
年華恰恰催吟醉
從此朝回日典衣

漠漠陰雲曉蔽空
稍看疎霧泛冥濛
郊原脈起新春雨
簾幙寒生半夜風
縱步杳難尋舊苑
習儀聊復望祠宮
霜臺監察心宜喜
聞有精誠禱歲豐

奉祀南郊九日馬上口占

霜意雲情曉欲寒
城南驅馬面晴川
路尋紅皺黃團舍
興入丹茱紫菊天
城城園林驚晚歲
紛紛場圃見豐年
君恩未報歸何日
空使荒蕪靖節田

清明日玉津園奉陪賜宴文太師

漢燭青煙下九闈
東風瑤圃燕元臣
詔馳御傘深行酒
露翦宮葩別賜春
不爲夢魂聞廣樂
許留光景緩巖闈
曲江冠蓋華林客
未有三師解組人

夜直中書省寄左省子容公

膺門早歲預登龍儉幕中間托下風敢謂彈冠煩貢禹
每思移疾避胡公論文青眼今猶在報國丹心老更同
夜直沈迷坐東省齋居清絕望南宮

家此詩據宋詩紀事補入

次韻謝師厚齋中有感

一庭春桂與秋蘭元禮龍門笑閉關不以使臺嚴陛級
盎然和氣見聲顏平生懷抱風塵外終日圖書几席間
天下蒼生瞻世德東山寧許乞高閒

殿廬次韻趙元考錦帶花

錦枝香浸碧琉璃誰折芳叢下帝闈橫鼻正疑豪客纜

雙垂曾見婦人衣長條臥藥勝繁李密葉攢英似紫薇
繫取東風留節物還家猶及醉春暉

次韻錢純老密學白錦帶花

天園節節見芳華春暮重開白錦葩鬪葉淺深瓊散藥
封條勻鬧雪團花玉翹舞日真仙國月帔垂欄上帝家
若向闔都論品第可容滄海碧桃誇

宣徽王公太乙宮使還洛二首

四紀翱翔覽太平三朝出入盛勳名對敷徽省官儀重
謁款殊庭使事清桃李春風多惠政鸞皇雲路半門生

少貪嵩洛鄉邦好人望巖巖在老成

位並樞庭今四貴官升太尉古三公壽眉仙骨風塵外
琳館真都祿隱中治第頗聞齊綠野放心寧遂伴冥鴻
滿懷霖雨功猶未勉起行看謝傅東

送致政太師歸洛

元豐天子賜安車黃髮翩翩翊聖初坐省故攜靈壽杖
會朝仍駕虎賁輿平泉花木春常在遼水城池鶴自如
身是赤松無一事乳桐孫竹看扶疎

上洛都文太尉二首

慶歷承平已廟堂三朝勲業徧旂常昔雖郭令曾憂畏
今比留侯更壽康賜餞饗人移玉食寵行天藻爛雲章
想公賸覺西都樂門外逍遙綠野鄉

詔書新出未央宮始識謀深別有功就第願陪唐九老
臨軒方冊漢三公翩翩雛鳳仙山上兩兩階星祖帳中
貴齒貪賢聖朝事可須歸興羨冥鴻

薛景庸太丞昌朝守邠州

風霜烏府不謀身丞掾鴻樞號得人九轉已欣丹換骨
一麾聊免甑生塵時今關隴烟雲靜地古岐周氣俗淳

正恐暫均勞逸去肯容文酒戀朱輪

次韻新陳州太守王彥祖侍郎

得那同時下帝闈相聞雞犬再冬春名場步驟元希驥
官牒推移媿積薪一笑醉餘雙白髮千駟南去兩朱輪
勸公少樂淮陽臥來伴林邊杖屨人

九月十日趙韓王園同舍餞送王微之暫出守汝

州卽席次其韻二首

左符初作魯山行便有蕭然物外情出入宦游金馬舊
平生風望玉壺清秋花黃紫羅千本宴豆甘珍聚百名

談笑揮毫得佳句從容聊喜暫班荆

雲木疎寒天未霜一塵清不點衣裳白鱸南國歸懷壯
黃鶻西風去路長攬轡便看紅旆轉銜盃聊共紫萸香
相思肯惜瓊瑤寄時有樓邊雁北翔

重送微之二首

瀛州日日聚華紳舊德如公更幾人寂寞窮經甘白首
風流投老就朱輪光陰不負圍碁局談笑須還漉酒巾
朝議雖知弱翁久不如方國慰斯民

曩昔清襟江上開九華山色照樽罍中間世故何勝道

晚歲仙都幸一陪
康樂又從滄海去
次公會自潁川來
春秋墜學應猶在
聞說新書勝玉杯

重送文與可

神標人慕紫芝眉
襟韻誰量叔度披
相與論心惟有竹
未能無意獨于詩
東風臘尾消冰雪
南浦船頭轉鼓旗
想及下車春恰恰
汀洲煙雨白蘋時

原詩君喜畫竹作詩

送益路提刑謝師厚郎中三首

鼇闕崑峯路不賒
單車聊復向襄斜
東山行止繫民望
康樂文章自世家政
在冰壺人畏慕
詔移金節使光華

百城爭欲扳遺愛
豈獨諸生戀帳紗

叱馭靈關萬里行
爰書丹筆刺祥刑
過家舊社瞻鄉繡
入蜀何人識使星
梅福上封推變異
望之雅意在朝廷

華陰道過行臺路
共醉西湖賦鵲鴿

原註公之弟領漕京西今往過之

歲晏風雲劔外天
故宮形勢舊山川
地環錦繡三千里
兵後歌鐘一百年
金馬已陳公子賦
海棠應補少陵篇
官私侈怵斯民病
可賀于今使者賢

道子容二首

文人家世積清芬
二許遺風見子孫
學問共推元凱庫

衣冠爭望李膺門西垣潤色文還古東土留居政有恩
歸奉漢皇前席對豈無今士所難言

傾都冠蓋擁西圻一節移歸四牡馳魏闕雲烟天近處
隋河水雪歲窮時行藏粗識賢人志疲拙難當國士知
妄欲與公論異日區區何用召棠詩

送次中

肯與衰頽論久要愛君才健氣飄飄聲名桂苑曾瞻翼
原次中先風節霜臺媿續貂分落江湖驚幾歲喜同
一榜登科文酒駐雙橈天寒不奈隋河淺又使清談付寂寥

送呂戶曹仲敏

文章盈篋幾千篇去有山濤吏部賢梅意向人冬至後
雲陰含雪北風天非今是古俗皆爾歎老嗟卑誰不然
知子已能操學誼行藏吾欲看他年

送虞元叟大熙出守常塗

使旗獵葉櫓嘔啞齋舫飄如上漢槎待得江南鱸作鱠
雪從遼海鶴歸家清談揮塵臨千里隱几看山過兩衙
仙遺跡在爲尋荒冢弔雲霞

徐程致仕寄之

浩然歌笑脫青綸高調冥冥綵服還智達能遺名跡去
英雄宜爲泰平閒秋風酒榼攜寒野春雨蘭芽長舊山
養已奉親心兩得世人行止是非間

宿州靈璧張氏園亭舟過始知之

去國身隨濁汴傾瞥然雙槩若孤鷹不知是木藏金谷
但見漁人說武陵已許生平惟水石坐看名利僅蛟虵
從今所至停舟問詩酒雖衰亦強能

八月十五日宿平原寄跋

去秋今夕艤歸船雨濕滄江歎隔年幸此一輪開霽魄

卻嗟千里共秋天更爲來歲悠悠約安得清光夜夜圓
孤館悄然誰晤語滿庭寒露濕蒼烟

離汶馬上寄鄉中親舊

半月徘徊去魯遲二年樽酒奉音徽又貪聖寵移金節
還使鄉人笑錦衣天地中間真遠客田園蕪沒盍來歸
東州不擬多時住已傍盧溪作釣磯

至金鄉先寄田直孺

原註庚戌六月三十日

京雒塵埃各未湔古城瀟灑向秋天今朝屈指終三伏
此地銜盃已六年老喜交朋頻把臂拙無材力可求田

君當記得鱸魚約何日相從上釣船

秋浦寄田同年鯁

三月鵬雲接翼飛歲窮飄泊動相思獨臨谿檻看山處

正是江天欲雪時連轡都門君不至

原註約同出都臨行君失期

合

簪秋浦我來遲明年尚好方舟去醉到春風有舊期

過任城謁田直孺

古邑東風桃李殘故人高臥白雲間我知原子貧非病

誰識蕭生志抱關相遇正逢春事晚已衰難伴醉鄉閒

卜鄰慙愧當年約依舊無錢買北山

寄尹元佐

都城分袂下長淮聞說靈槎犯斗回天上夜蟾千里共

江南秋雁尺書來莫悲琴劍猶寄客豈有英雄老俗埃

此去玉皇恩澤異龍飛親榜看風雷

寄高陽陳鎬

胸中奇蘊入天淵平昔英遊夢寐間寶劍早因靈氣識

臥龍今惜壯圖閒匈奴尚敢乘黃屋漢騎新聞戍玉關

應共將軍話功業酒酣朝夕望燕山

寄長沙王源祖

湘水衡山冠楚西逢君曾與勝游期橋躋危磴尋僧去
月滿歸舟載酒時歲律別來驚易改琴徽空自寄相思
試看湖上梅應老不解東風贈一枝

表海亭

到此脩脩欲羽翰長簷危檻壓屏顏高低步障千花磴
遠近屏風四境山興爲南樓雖不淺倦如飛鳥亦知還
偷閒擬上三年計寧願齊侯五月間

早春書呈溫甫用前韻

春皇消息到人間屈指年華笑側冠梅蕊暗黃初過雪

蘭芽淺紫未離寒時哉物逐東風樂老矣心于勝事難
惟有林泉隨處好可須巖谷隱歸盤

登照碧亭次韻燕若水

記著蓬瀛向此開清明簾幕望高臺老慙蒼鬢親花萼
病負春風厭酒盃青葢綺羅尋徑去畫船簫鼓轉溪來
不知好事樓前客便有嘲吟倚馬才

憶靈泉山寄龔輔之諫議丈

不到靈房二十年背依叢嶺面平川風吹檜柏周遭雨
地蹙岡巒寸尺煙合有高亭臨綠篠恨無長甃引清泉

攜筇占得頻來往誰似香山白樂天

次韻余翼贈陳長史繪

變化洪纖付一陶中楹瞻望赭紗袍有才元子名爲汚
失意劉蕢策自高青史異時觀壯士黃衣何日調南曹
居閒更覺新詩好詞力還堪僕命騷

次韻觀棊

晝永風閒玉局平機心相軋掌中兵敵家只欲乘虛奪
元地何勞用劫成縱使仲宣強記在枉將陶侃寸陰爭
旁觀有訣君須信大抵驕貪悔吝生

盛陶索詩錄近作數篇以長句將之

太白谿邊思會遇九華峯下共登臨高樓一別江南醉

幾歲同爲塞北吟

原註已亥相遇池州同飲于蕭丞相樓

漳浦舊懷多感

琴
慨建安遺響未銷沈言雖窮苦君能聽試寫孤音入夜

二月二日過吳德仁二首

清門令德江南吳三紀蘭洲心自娛明時中林隱君子
蚤歲東門賢大夫老去笑談惟玉麈病餘風韻更冰壺
世于出處罕無意兩忘未見斯人徒

三徑長籬依斷崖築堂能向紫溪開案頭日有青精飯
垆面常浮白玉醅坐對雲山飛鳥沒笑看花木早春回
高情不厭城中客更許時時杖履來

貽致政吳德仁朝請

四十懸車三十年白雲山下古溪邊松姿鬱鬱霜中壽
鴻意冥冥物外天歸爲田園陶令達化行鄉黨鄭公賢
我慙出處今如此應得高人一粲然

初到蘄州

卜築南城三徑開寬恩容此養衰頽舟從灑灑堆中出

人是邯鄲道上回憔悴幸非蘭澤去因緣如爲祖山來
江湖本是忘機地笑許殘年付酒杯

寄鼎州陶使君商翁

原註近蒙示詩

詩壇曾識舊將軍新寄長編慰俗塵夢到鈞天醉聞樂
心疑明月暗投人誰悉正雅全忘古自是淫哇每亂真
安得高門占旂鼓與公吟嘯武陵春

舟次潯陽寄興國李使君舜卿

江南太守畫船飛湘水騎馮病翼遲歲晏風霜時易失
人生離合事難期相思坐歎瓊枝隔寓意徒令玉軫悲

遙想翠屏山下望樓中還有謝公詩

送柳判官引對次鄒主簿韻

斯文復古魏郊東

原註仲塗先生自謂東郊野夫

落落名孫祖氣同待

詔方貪採蘭舍最書催見受釐宮十年樽酒瞻燕碣幾

日歌吟笑郢中天下求才君必用莫悲長劍匣秋風

赤岸過柳明之別業

主人瀟灑武陵仙別業河東大道邊心畫美田皆枕水

手栽佳木已參天園林有地時難者鐘鼎銘功事莽然

倦客過門空大嚼卜鄰安得買清泉

青山高竹樓別業昔嘗題詩其壁詩故在而竹樓

物故三年矣感而賦詩

故人別墅俯青郊曾許幽人近結茅苔壁雨荒留舊蹟

竹林雲蘂見新梢樓成白玉山無主鱗出黃金客有肴

悵念同游歌楚些風聲蕭颯鳥咬咬

巳日泊桃源亭

桃源亭北值佳辰桃萼飄殘晚晚春緹幕惜芳林下子

綵衫修禊水邊人風謠漸喜南音變節物偏于久客新

道不與時當勇去歸心何必計吳尊

病中聞子容被召次中東歸

一夜奎星向紫微朝來黃鵠又東歸謝庭春入新紅藥
吳苑花迎舊繡衣疲馬顧鳴還有戀驚鳥飛匝欲何依
無聊病況將離思併寫孤音白玉微

再和

詩酒相從道久微東西冠蓋兩將歸許公文誥專鴻筆
太白江湖醉錦衣攬轡慨然俱有意繫匏于此獨無依
猶憐賸得河梁句常與都人記盛徽

送鄭毅夫舍人被召五首

金魚寶帶紫微仙刺史荆州帝倚賢仁入刑書無濫獄
政通和氣屢豐年芝函曉下浮雲闕奎曜宵還北斗天
士望區區翰林主不知舟楫赴商川

三國遺基楚子宮洞庭游樂與民同畫船載酒春波綠
鼙鼓隨車夜燭紅愛比南陽歌召父學如西蜀化文翁
去思不用甘棠賦恩在邦人骨髓中

承昭陵上土新乾又見弓遺四海寘旒冕嗣天承顧命
金縉傾帑入和門生靈困瘠悲邦釁夷狄跳梁玩國恩
歸奉清閒疏奇蘊席前應講太平源

旌旗占曉動星躔冠蓋傾都海嶽旋歸覲明堂瞻日表
過家鄖社卜松阡郢山殘雪梅寒後漢水東風柳暖天
無限春風入佳句何時珠玉看盈編

簪紱忘懷出處均行行猶眷楚都春嗣皇小恙方求助
太守三公古重民燕廈久依王粲幕鶚書曾媿孔融賓
士儒以義酬知己敢向東原涕滿巾

九日病起寄文瑩

春城別去已秋窮猶喜音書繼遞筒身外光陰一飛隼
天南蹤迹兩飄蓬夜烏三匝驚明月胡馬長嘶向北風

無酒無人更無菊重陽愁過鹿皮翁

春日書事

年華歡緒兩蹉跎白浮紅日日多酒怯病懷無舊戶
睡便春晝長新魔些思楚客招魂語噫笑梁生憤世歌
鳥雀相忘來亦少不須門外更張羅

跋罷西邑時將營山居路有二詩次其韻

半年西邑祇徒勞天數人謀兩不饒分定一枝難駐足
時來三組併垂腰是非未了今猶古飲啄誠安谷亦喬
何日一塵能負郭杖藜春雨看春苗

求田問舍此心勞
兩處如聞勝勢饒
張氏泉塍近城角
邵家林屋在山腰
倒冠來伴樊川杜
飛鳥新聞葉縣喬
昨日雪霜枯槁地
百般蒼翠發新苗

忠肅集卷十九

忠肅集卷二十

七言律詩

孫少卿鹿頭山詩并畫圖二首

誅茅搜險旋尋真
聞說山巖一日新
佳境留連應有待
先時登覽豈無人
披榛好石來如召
隨手清泉應若神
不獨山中興勝事
幾多風愛在邦民

使君真愛鹿頭山
圖畫歌吟去為傳
塵世那知武陵事
時人爭誦永嘉篇
行春遊醉常勞夢
按部登臨又隔年

宋

劉

擊

撰

忠貞集
卷三
有客平生志林壑坐憐雙眼隔雲煙

次韻蔡景繁紅梅三首

故人江驛寄瑤華紫玉枝頭散嫩霞日暗露桃春尚淺
醉餘妝面粉難遮綠溪地靜東風過雕檻香寒曉月斜
冰滿琉璃聊自喜不堪塵眼祇空花
蕭疎仙梗擢芳華巧刻圓瓊傳淡霞素質本非桃杏比
酡顏聊避雪霜遮香含暮雨欄邊散豔倚春風鬢上斜
聞說樽前偏屬賞青黃朱粉更無花

圓瑤林冠物華靚英明媚洗晴霞酥裝卻費胭脂暈

純扇應煩絳粉遮天上念奴春睡足風前飛燕舞容斜
後房宜勸歌聲小愛惜今年第一花

再次紅梅二篇兼簡李質夫二首

色不天穠始是華仙家林觀倚雲霞春酣白玉醅香入
日射紅鸞扇影遮攢萼亂鬚能淡佇抱枝寒蓓更疎斜
聞都誰與論高下未愧蟠桃賞碧花

春工著意與年華換白添紅翦絳霞肉色膩勻宜日上
天香清冷怯霜遮半臨綠岸湘波動巧映朱扉錦徑斜
爲寄瑤林主人語爭妍應有曲房花

庭前有古槐一株枝葉扶疎廣蔭一畝每當月夕
風晨輒為婆婆其下空翠沾衣心神清越感秋寄

興情見乎詞

綠玉交柯蔽鬱深碧蘿寒幄靜沈沈最宜初旭晞晴靄
時有珍禽宅翠陰終日對為佳客伴幾年相慰故谿心
主人已有秋風興更聽疎蟬抱葉吟

盆中移白菊

九秋風露下星榆玉刻圓錢散曉株人住水涯多白髮
地應花谷近清都接香漬酒登新譜原註君倚以菊釀酒益氣輕

身載舊圖移取黃堂朝夕見北洲亭遠故臺燕原註郡中舊有

白菊臺今荒廢

次南陽錢紫微白菊

清根靈氣本仙通白玉葩華綠玉叢山遠莫尋幽谷水
洲香聊近百花風神寒縹緲梅同格英出繁多雪媿工
原註菊英二十一出籬下區區醉金蘂酈鄉應笑鹿皮翁

次韻傅推官十月菊

應憐陶令愛東籬分付黃花特地遲百卉浪隨秋色盡
孤芳自與歲寒期冷香直欲梅相關金蘂懸知雪更宜

空使詩人詠重九天公造物本無時

輓慈聖光獻皇后二首

翼子詒孫廟社功憂勞嘉祐治平中澤流自配皇圖遠
仙去誰期壽劫空三獻奄違長信殿萬神重會永昭宮
母儀五十年間事愁入西郊鼓吹風

孝孫皇帝念終天毀慕難留玉座遷廟諡易名尊四字
宸闈行服自三年寶衣鸞鳳藏華殿哀仗星辰下洛川
從此都人想游幸無因重見九龍駟

輓資政殿學士吏部尚書曾公二首

懷詔歸來望九霄
匡山纔隔渡河橋
履聲未徹君王聽

車左俄悲道路招
韋氏詩書傳舊閱
石家孝謹冠中朝
靈輻聞說都門過
愁向西風徹鼓簫

百歲悲歡俯仰間
訃驚疇昔涕洟瀾
柱堂天聖傳先契

蘭省元豐事長官
寂寂塵書華屋閉
蕭蕭雲木故山寒
深心令德今何愧
付與無窮後世看

原禮諸侯行而
死于道則升其乘
車左轂以其綏復先子出宣靖公勝下元豐
乙丑資政前為吏部尚書時某其郎中也

輓宋次道二首

橐筆周旋侍漢宮
博知前載問無窮
朝廷人物儒林丈

家世文章太史公俯仰頓驚華屋換聲容徒望總帷空
寢門一哭何嗟及付與悲哀挽鐸風

平生襟尚苦清通白首耽心翰墨中萬卷囊書推沈氏
一時碑字貴顏公塵栖材館稀賓至山抱佳城與祖同
已矣善人那復見蕭蕭溱洧抵秋風

哀呂西臺行父四首

大夫門戶斗魁旁落落南宮舊望郎收斂壯心書萬卷
沈浮高興酒千觴乘驄始欲新年去藏壑俄驚半夜亡
索我贈言曾未暇哀懷今變紉人章

仙骨蕭疎古柏秋心于塵世合悠悠人間未熟黃梁飯
天上新成白玉樓隱几不聞遺治命飛旌何日向西州

識君惟有崔夫子

伯益

預說衣冠一蛻留

前月南河欲放船壺觴一笑暫盤桓唾霏珠玉音猶在
風折篔簹墨未乾皎皎不應隨物轉滔滔從此締交難
孤懷幽調誰知者寂寞金徽不復彈

吳興空望使君車道厄陳州亦命歟歸路自爲堯率去
遺忠誰訪茂陵書糝糠世俗心無累蘭玉階庭善有餘
一束生芻猶未致春風洒淚滿襟裾

五言絕句

次韻唐誦植椶櫚三絕句

亭亭圓榦直翦翦翠輪齊葉散夜叉樣惡名誰品題
榮悴逐時序紛紛紅翠多誰同歲寒操旁有羽林戈
種蘭不當戶李以苦見容珍重主人意東亭非要冲

次長守長歷兩孫自汶寄詩韻

阿守似其父敦龐仍秀疎拜翁猶數月書驛且渠渠
歷也駒千里新詩慰遠思霜秋魚酒美來趁壽觴時

七言絕句

戲簡許教授

雖有蠶鹽甘寂寞如聞餐粥更艱辛莫將秉釜論多少
聊爲君家拂甌塵

馬融絳帳臺

漢守曾爲絳帳師升堂高弟許摳衣傳經無復當時事
只有沙禽自在飛

國風亭

地靈真合有清辭正是中和樂職時誰道渚宮吟不盡
試看亭上國風詩

忠貞集
卷三
復古亭

功大文雄歲月深巍然高碣字生金臺池得與吾民共
誰識邦家復古心

穿楊亭

華構翬飛一望中顏間篆墨揭秋風休矜百步穿楊巧
未及當年射虎功

迎春亭

亭接東風近曉霞幾多和氣到萌芽也知當日迎春意
不爲松筠只爲花

朝宗亭

亭下長江走浪花朝宗東委去無涯何時上漢風濤穩
待泛仙人八月槎

澂心閣

危欄倒影下千尋空水無聲萬象沈試問登臨來往客
幾人澄得利名心

七瑞堂

草木生成亦偶然誰將枝幹驗祥編如何併作當時瑞
寂寞于今五十年

水舫

天水相將遠欲無
扁舟雙槳似飛鳧
此身未是逃名客
且學鴟夷泛五湖

雙橋

雙橋十里跨虛明
波面無風兩足輕
雨歇烟收人不見
路岐依約是蓬瀛

十月六日與客游金山乾明宣塔戒壇彌勒舍利

廣教七山寺三首

水落溪橋霜未寒
岡林平淺是西山
路穿峭嶺青蔥底

寺在崎嶇屈曲間

排門金碧七禪關
松閣相望石徑連
不爲勤求善知識
可能一日徧諸天

行徹雲煙到上方
青林深壑對重岡
山中底處饒風月
要著江州一草堂

偶作

春氣未強寒慘慘
羈人多病興寥寥
閒愁付與毫端遣
長日期于局上銷

次韻張供備達夫觀回鴈峯二首

品齋集 卷三
吳奇惟校
圖志分明傳者謬峯名元在嶽山隈邦人試看春巖上
豈有燕鴻到此回
林麓坡陀湘水側煙嵐朝暮楚城隈峯前遷客翻堪笑
不及飛鴻一歲回

樊山口二絕

洲菑嶄嶄亂石排濯風寒浪踏蒼苔長江萬里從西北
瀉向幽人兩足來
無數江鷗似雪霜暫來還去俯滄浪幽人已自忘機久
卻恐窺魚意未忘

九日依唐生韻五絕句

三歲重陽負玉觴悲歡不定客途長年光節物真虛擲
賴有新詩付錦囊

白醪趁節醉已醲黃菊候霜花未開獨上荒城拱雙袖
風雲慘慘鴈聲來

無處登臨百尺樓若爲銷散仲宣憂拒霜寒菊常煙雨
愁滿江城冷澹秋

悄悄登山臨水興紛紛泛菊佩萸人不須吹落簪花帽
但願常存漉酒巾

長松老桂風霜足細草幽花雨露霑天寒日下音書少
鴈自高飛魚自潛

次韻燕中舍若水苦雨五絕句

湖水漫漫日夜添芙蓉蒲鏹鬪尖鋸不須更苦雨多少
且喜西牕詩入簾

風欺炊竈長煙重泥隔賓車午枕高誰記幽人張仲蔚
都將三徑付蓬蒿

池蛙聯絡聲方旺逕草縱橫勢未鋤不厭微涼生枕簟
只憂新蠹入圖書

聲入高梧翠竹邊故攜枕簟北牕前無端喚起江南夢
記得扁舟夜不眠

嘉穀連空指歲豐幽潛無復有乖龍何時浩蕩風吹日
照徹陰雲幾萬重

泛舟南湖二絕句寄公秉

路轉芳洲面面風回環慙媿刺船翁畫橋東北桃花塢
時有飄紅落酒中

不知芳物過春風傲兀扁舟愜浪翁得似王猷剡溪上
何須范蠡五湖中

木芙蓉

誰染輕紅皺萬囊
靚如妝面照寒塘
蜀葵千葉仍陪菊
芍藥重臺更耐霜

湖上口號三首

綠荷深不見湖光
萬柄清風動晚涼
莫恨紅葩猶未爛
葉香元自勝花香

湖上清懷各自知
涼風吹我獨依依
吏曹姑去毋催我
待得臨流弄月歸

柳色映花春岸北
人家臨水畫橋南
回舟卻向東城望

恰似清溪玉鏡潭

六月二十日湖上四絕句

蓮的紛紛玉手來
旋攀蓮葉卷狂盃
水漿未見菱腰折
珠寶何時芟背開

紅蕖白藕塞平湖
曾愛新梢玉不如
今日水深那可得
野人盤上欠香蔬

氣候淒炎傾刻中
晚涼宜此一樽同
乍收荷葉蕭騷雨
便得蘋花細碎風

濃雲忽忽遍天圍
四面涼風弄客衣
霹靂一聲湖雨白

魚兒驚沒鷺狂飛

雪中次韻王鞏廷平四絕句

此時遙憶子猷家
幽興應思剡水涯
未向東風見瓊樹
且傳春色贈梅花

漸飛大片紛如鞞
更撲驚風亂似麻
為謝妻孥衣但典
莫愁米貴酒難賒

簷邊騷屑竹聲乾
爐畔龍鍾病骨寒
坐想蘭歌傾桂酒

清虛堂上有餘歡

原注君之西齋

袁安祇有高眠興
謝眺空傷後會艱
十萬健兒春瘴近

飛花宜過海南山

平原君

徒稱館舍三千客
豈掇長平百萬軍
焉在平原多得士
功名翻屬信陵君

信陵君

徇趙亡梁久不歸
先王宗社若巢危
歸來未久秦金入
魏國存亡亦可悲

甘羅

甘羅徒挾虎狼威
入趙安能策是非
大抵諸侯畏秦爾

一言輕得五城歸

汲黯

汲黯剛純社稷臣張湯巧詆更平津賢人所貴忠邪異
惜對君王論積薪

次韻龔諫議輔之同遊靈岩寺

琳宮仙老鬢雖霜不厭山頭石徑長杖履更為他日約
姓名聊記舊碑旁

戲李質夫

曾醉江梅爛漫時北鄉寒冷見花遲知君獨倚瑤林賞

不向春風贈一枝

再贈李質夫

贈春須記折花時坐恨江南信息遲還向瑤林主人問
東風應傍去年枝

絕句

日日新詩出錦囊清才飄洒句琅琅幕中病客疲酬報
走馬真難伴放羊

東郊次韻器資子開六絕句

幾年空有憶梅詩常恐江南驛使迷慙媿一枝償病眼

春風須勸笛聲低
刻玉沾酥三兩枝
霜空林杪早春時
蕭疎仙骨閒相並
縹緲幽香冷自知

江南詩客兩仙才
攜手東原賦早梅
瓊樹令人常願見
還家何事不徘徊

東風前右見早梅

五日重來躡馬塵
比君時節已殘春
吹衣拂面寒猶峭
誰道春風似故人

悄悄輕冰斷水涯
欣欣羣木媚人家
春風巧思無尋處

紅白青黃各自花

昔年花卉爛春林
今日重來老病侵
歲月漫爲流俗歎
行藏誰見古人心

公昔益右謾成

九月十八日離魏都寄內二首

南鴻無計與同飛
鴻翼翩翩我馬遲
若過平臺寄家信
爲言今日是歸期

肅肅霜風吹客衣
客懷多少寄金徽
到家細說淹留事
應笑蘇秦困始歸

天寄倩

近時頗少飛鴻信
幾日應占喜鵲聲
相見便須持寶鑷
為翁衰鬢摘霜莖

題齊己草堂

一曲流泉對草堂
何人與續帳前香
清詩自共秋風老
依舊鐘聲送夕陽

忠肅集卷三十一



禮記